



# सानसेयारि बड'सा

सानसेयारि 'बड'सा' खरीरालाइयाव  
समान्ययारि जिउजो लोख्वा थावाय रायथाय, खन्नाय,  
खल, खलबाथा आरु दावबायारि थावनि, पार्क  
बाइदिबि स्यायाव लिन्नाय लिन्बिबां दैथाय ठर!  
सानसेयारि 'बड'सा' खरीरालाइया खेबरानाबै  
फोसावगोन।  
बड'सायाव लिन्हन्नायि दुबा खलाम,  
'बड'सा' खरी नोथो, जो बयबो आंगो खलाम।  
सानसेयारि बड'सा मावखुनि  
माइवं नोगोर, जोहोलाव देमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Wednesday ★ 17 July, 2024 Kokrajhar, BTC, Assam ★ Vol.- 34, Issue No.112 R.N.I. Regd. No.40994/91, Assam Govt. Regd. No.IPRD. 40/2006/3, ★Rs.8/-

एमपि गौरव गगैआ  
बेरेखा हान्जानि लेडाइ  
दैदेनगिरि महरै  
सायख'जादां

## कक्राझारआव एसिएस बिबानगिरिफोरनि दानसेनि खुंथाइआरि फोरोंथाइ हाबाफारिखौ बेखेवबाय



गुवाहाटी, 16 जुलाइ: आसाम  
प्रदेश कांग्रेस कमिटीनि जाना  
बेरेखा हान्जानि लेडाइ दैदेनगिरि  
महरै सायख'जानाय गौरव  
गौखौ दिने राजिव भवनआव  
(□ 5 बिलाइआव)

कक्राझार, 16 जुलाइ: कक्राझार चान्दामारिआव थानाय बड'लेन्ड एडमिनिस्ट्रिभ स्टाफ कलेजआव दिनेनिक्राय एसिएस बिबानगिरिफोरनि दान मोनसेनि खुंथाइआरि फोरोंथाइ हाबाफारिखा जागायजेनबाय। बिटिसिनि प्रिन्सिपाल सेक्रेटारि आकाश द्विपनि नुजाथिनायाव बिटिसिनि बिधान सभानि बुंथिगिरि कातिराम बर'आ दिने मख'जानाय फोरोंथाइ



हाबाफारिखौ बेखेवनानै हायो। मख'नो गोनादि, 2024 माइथायनि 4 सप्ताहनि खुंथाइआरि फोरोंथाइ हाबाफारियाव आसामनि गासै सा 82 एसिएस बिबानगिरिफोर बाहागो लादों। आसाम सरकारनि बान्जायनायाव खुंफु'नाय बे खुंथाइआरि बिबानगिरिफोरनि फोरोंथाइ हाबाफारियाव 6थि फारिलाइ  
(□ 5 बिलाइआव)

फरायसाफोरनि थाखाय गाहाम खौरां  
आनन्दराम बरुवा बान्थानि थाखाय  
अनलाइन आर'जलाइ गथायनो हागोन

गुवाहाटी, 16 जुलाइ: यइज्योनि रंगथि गोनां फरायसाफोरनि थाखाय मोनसे गेदेर खौरां। 2024 माइथायनि आनन्दराम बरुवा बान्थानि थाखाय फरायसाफोर अनलाइन आर'जलाइ खालामनानै 75 जोखोन्दिनिक्रायबो बासिन नम्बर मोनो हानाय फरायसुलाफोर बे बान्थानि थाखाय आर'जलाइ खालामनो हागोन। 2024 माइथायनि 15 जुलाइनिक्राय 25 जुलाइनि हरोजेरिसिम फरायसुलाफोर आर'जलाइ खालामनो हागोन। जाफुसार जानो हानाय फरायसुलाफोरनि थाखाय आर'जलाइ गथायनो सोलोंथाइ बिफानआ मोननै वेबसाइट बेखेवनानै होदों। बे मोननै वेबसाइटआ जाबाय <https://bidyarthi.com.in> आरु [www.madhyamik.assam.gov.in](http://www.madhyamik.assam.gov.in)। अनलाइन आर'जलाइआव फरायसुलाफोरा बेक एकाउन्टनि गासै बिथिफोरखौनो मख'जोबनांगोन। बेक एकाउन्टआवबो फरायसुलानि मुं थाथारनांगोन। सोलोंथाइ बिफानआ बेनि सोमोन्दे मोनसे गोनांथार फोसावथाइखौ जिल्ला सोलोंथाइ बिबानगिरिनिस्मि दैथायहरबाय। □

थार बेसेननि डिलारफोरनि थाखाय मिरु सरकारआ  
272 कौटि 14 लाख रांखौ गनायथि होबाय

जगाय मन्थि रन्जित कुमार दासआ समाजआरि  
बिजोनि गेजेरजो बे मोजां खौरांखौ होदों

गुवाहाटी, 16 जुलाइ: जोबथारनायाव थार बेसेननि  
दिलारफोरनि थाखाय गाहाम  
खौरां। गोबाव समनिक्रायनो  
मोन्नांगोनिक्राय जानागाराव  
थाबाय थानानाय दिलारफोर  
मोन्नांगोखौ मोनानयनि दाबिजो  
खुद्रिसारबाय थादोंमोन। बेनि  
अनगायैबो मोन्नांगोखौ थाबेनो  
हराबोला राइज्योनि गासै  
(□ 5 बिलाइआव)



हिमन्त विश्व शर्माया  
सावस्त्रि बिफाननि बिबान  
लानायनि उनावनो देहा  
फाहामगिरिफोरनि बिबान  
एंलायनायनि दोहो

गुवाहाटी, 16 जुलाइ: सरकारि  
फाहामथाय फरायसालिमाफोराव  
थानाय देहा सिबिथायनि थाखाय  
मोनसे जिगासिनो गोनां खौरां  
बावैसो गुवाहाटी मेडिकेल  
कलेज आरु देहा  
फाहामसालिनि सा 16 देहा  
फाहामगिरिफोरा गावसोरनि  
बिबान एंगारनाय लाइखौ  
गथायदों। बेनि अनगायैबो  
जरहाट मेडिकेल कलेज आरु  
(□ 5 बिलाइआव)

जेएमएसिएसआव मोन 65 फाहामगिरिफोर आरु  
मोन107 स्टाफ नार्सनि मासिआ लांदां जानानै दड

जरहाट, 16 जुलाइ: जरहाट  
फाहामथाइ फरायसालिमायाव  
मोनसे दुखुनां थाव  
फोरमाइथायआ सोराडाव  
फेनायखौ नुनो मोन्दों। जरहाट  
फाहामथाइ फरायसालिमायाव  
फाहामगिरि, नार्सनि आंखाल  
नुजाथिदों। जरहाट फाहामथाइ  
फरायसालिमायाव गासै 231  
फाहामगिरिफोरनि मासि  
दमोनब्लाबो आथिखालाव सा  
65 फाहामगिरिफोरनि मासिआ  
लांदां जानानै दड। गुबुन फार्सेथि  
जेएमएसिएसआव दिनेसिमाव  
अक्टआव सा 107 स्टाफ



नार्सनि मासिआ लांदां जानानै  
दड। मख'नो गोनादि, 2009  
माइथायवोनो गायसनजानाय  
जेएमएसिएसआव दिनेसिमाव  
15 बोसोर बारलां बाय।

बेंटलआव सि आर पि  
एफनि बान्जायनायाव  
बिफां फुलि गायदों

काजलगाव, 16 जुलाइ:  
मुलुगनांआरि दुंखावनायखौ  
होवथानो थाखाय आरु बहुम  
बिखायाव सुबुं माहारिखौ  
रैखाथियै लाखिनो थाखाय  
जेरावबो जेरैबो बिफां फुलि  
गायनांगो होना फोसावबाय  
थानायखौ नुनो मोन्दों। मानोना  
बिफां थाब्लासो मुलुगनि जिब-  
जिबीफोरा थाना थानो हागोन।  
बे खौरांखौ सिगाडव लाखिनानै  
चिरां जिल्लानि भारत-भुटान  
सिमना ओन्सोलनि बेंटलआव  
थानाय सिआरपिफनि 156  
(□ 5 बिलाइआव)

आसाम मेडिकेल कलेजआव पेट'लजि  
हेरिटेज मिउजियाम बेखेवदों

डिब्रुगड, 16 जुलाइ: डिब्रुगड आसाम फाहामथाइ फरायसालिमानि  
पेट'लजि हेरिटेज मिउजियामआव दिने उक्का गोरयुं प्रफेसार डा:  
रिमा नाथआ गोदानै लुफुनाय मिउजियामनि बेखेवनाय समावनो बे  
जार्मिनआरि समनि थाखाय गोबां फालांगिरि फाहामगिरिफोर आरु  
मावफारियाफोरा साखि जानानै थायो। बे हाबाफारियाव प्रफेसारफोर,  
बारम' फरायसुला-फरायसुलिफोर (□ 5 बिलाइआव)

गान्धीबारि गोजौसिन गेजेरारि  
फरायसालिनि गोरायुं पबित्र  
कुमार ब्रह्मआ रुंसारि जाबाय

तामुलपुर, 16 जुलाइ: तामुलपुर जिल्लानि बेन्दोंआव  
थानाय सोनाब जागराव गामिनि  
थागिरि आरु गान्धिबारि  
गोजौसिन गेजेरारि फरायसालिनि  
गोरायुं पबित्र कुमार ब्रह्मआ  
थानाय 10 जुलाइखालि हखबावै  
प्रेसार स्ट्रक जानानै साहा  
गुवाहाटीयाव थानाय  
जिएनआरसि देहा फामसालियाव फाहामथाइ लाबाय थानायनि  
उनाव दिने बे बुहुमनिक्राय आनत्राय लाडे। पबित्र कुमार ब्रह्मआ  
गान्धिबारि गोजौसिन फरायसालियाव गोरायुं महरै मावबिबान  
सामबन्धायगासिनो दमोन। मख'नो नांगोनदि पबित्र कुमार ब्रह्मआ  
1988-1989 माइथायाव तामुलपुर दखरा दुलाराइ बर' फरायसा  
आफादिनि गाहाइ नेहाथारि (□ 5 बिलाइआव)



सालबारि पुलिसआ सा 6 दाखाथि हमदों

भबानिपुर, 16 जुलाइ: बाक्सा  
जिल्लानि सालबारि महकुमा  
पुलिसआ थानाय हराव  
आसामनि दाब-दाब जायगायाव  
उतखार खालामनाय सा 6  
दाखाथिनि मोनसे हान्जाखौ  
हमनो हायो। सालबारि महकुमा  
पुलिस बिबानगिरि निलुतपल  
शइकियानि दैदेनायाव पुलिसनि  
मोनसे हान्जाया बजालि  
पुलिसनि हेफाजाबाव बजालि



जिल्लानि सदर पाठसालायाव  
थानाय हरनि 8:30 रिगायाव  
दाखाथिनि हान्जाखौ होसो-  
होसो हमनो हायो। सालबारि  
महकुमा पुलिस बिबानगिरि  
निलुतपल शइकिया आ  
मिथिहोनाय बादिब्ला सालबारि  
महकुमानि सिडाव थानाय  
बासबारिआव दाखाथि  
खालामनायनि थांखिजों गंसे  
(□ 5 बिलाइआव)

कुस्त्राबारि जिएसबि बर' हाइ  
स्कुलआव सिखाव हाबदों



सालबारि, 16 जुलाइ: बाक्सा जिल्लानि सालबारि महकुमा  
गबर्धना थानानि बेंखनाव थानाय कुस्त्राबारिआव सिखावआ उदखार  
खालामदों होना खौरां मोनाय जादों। मोसो, बोसमा सिखावनि  
उनाव बे खेबआव सिखावआ (□ 5 बिलाइआव)

नगाव पुलिसआ  
हाथियारजो लोगोसे सा  
3 दुथांफोरखौ हमदों

नगाव, 16 जुलाइ: नगाव  
पुलिसआ मंगलबारआव गोखों  
नार्यबिजिरसंनारयनि गेजेरजों  
हाथियारजों लोगोसे सा 3  
दुथांफोरखौ हमनो हादों होना  
खौरां मोननाय जादों। नगाव  
हडबरागव पुलिस आउट पस्टनि  
बिबानगिरि आनान्द मेथिनि  
दैदेनायाव बे नायबिजिर संनाया  
सोलिदोंमोन। मोनसे स्त्रोद  
(□ 5 बिलाइआव)

धुबुरी भलानाथ फरायसालिमानो इउजिसिआ  
अटनमास कलेजनि मान गथायदों

चापर, 16 जुलाइ: भारतबर्षआ  
उदांस्त्रि मोनानयनि सिगाडववोनो  
सोनाब आसामनि सिमना  
ओन्सोलनि धुबुरी सोहोराव  
आसामनि गोजौ सोलोंथायनि  
मोनसे गोजौ थाखोनि  
सोलोंथाय फसंथान महरै धुबुरी  
भलानाथ फरायसालिमाया  
गायसनजादों। गायसनजानाय  
समनि सोलोंथाय फेहेरनायखौ  
लानानै गोसो गोसो गुदुं सुबुंफोय  
दुलाराय भारतआरि थाखोयाव



मोनसे गोजौ थाखोनि  
फरायसालिमा गायसनयनि  
जोथोन लानानै बे  
फरायसालिमाखौ गायसनय

मोब्लिब खुन्थिया  
बायग्रवनायनि  
जाहोनाव अखं  
आसामाव मोब्लिबनि  
जेंना नुजादों

शिबसागर, 16 जुलाइ: सासे  
बिबानगिरिया बुदोंदि, ग्रिड  
बायग्रवनाय (मोब्लिब  
खुन्थिया) नि जाहोनाव समबार  
मोनाबिलियाव आसामनि दरवा  
(□ 5 बिलाइआव)

सालाकाति दखरा एबसुआ गोलोम बोथोरनि  
आन्दार-13 जोलुर फोरोंथाइ मावबादा बेखेवदों



सालाकाति, 16 जुलाइ: कक्राझार जिल्लानि  
सालाकाति दखरनि सिखव थानाय बांगालपारा  
माइनाव क्लाबनि गेलेग्रा फोथाराव 13 बोसोर  
बैसोनि सिनि हौवासा आरु हिन्जावसाफोरनि  
थाखाय 'बड'फा गोजोरथियारि सोलायनाय  
मावथांखि' बायदिथै सालाकाति दखरा एबसुनि  
बान्जायनायाव 15 साननि गोलोम बोथोरनि  
जोलुर फोरोंथाइ होनाया मावबादाखौ दिने

बेखेवनाय जायो। मख'नो गोनादि, मावबादा  
बेखेवनाय हाबाफारियाव थिखानाय बुंथिगिरि  
महरै कक्राझार जिल्ला एबसुनि गाहाइ नेहाथारि  
खाम्फा बसुमतारिआ बाहागो लानानै जोलुर  
गेलेनायनि माखासे गोनांथार बिथिंखौ नोजोर  
बोनानै बेसेन गोसो बिबुंथि होयो। लोगोसे  
जिल्ला आफादिनि लोगो गेलेमु नेहाथारि  
सानसुमा नार्जारिआबो (□ 5 बिलाइआव)

तामुलपुर जिल्ला फरायसा  
आफादआ खुद्रिसारनानै  
सोमावसारदों



तामुलपुर, 16 जुलाइ: दुलाराय आसाम फरायसा आफादिनि  
हांखायनाय बायदिथै दिने दुलाराय तामुलपुर जिल्ला फरायसा  
आफादआ तामुलपुर आन्सलिक फरायसा आफादिनि मावख'नि  
साखाथियाव रडिया-भुटान लामायाव (□ 5 बिलाइआव)

**NERIM GROUP OF INSTITUTIONS**  
Affiliated to Dibrugarh University, Gauhati University

**ADMISSION NOTICE**  
NERIM announces Final Spot Admission for Non-CUET and CUET Candidate for the following courses:-

- B.COM (Bachelor of Commerce)
- BSW (Bachelor of Social Work)
- BA (Psychology)

Date of Admission - 29th July to 31st July, 2024.

Admission for the above courses shall be held only through the registration in the **Samarth Portal** of Govt. of Assam.

Interested candidates may come for Spot Admission. Necessary help for registration in **Samarth Portal** will be extended by our admission help desk. Admission will be held on the Spot.

CONTACT NO.: 9954190758 / 9954051419 / 8638952788

Prof. Dr Sangeeta Tripathi, Director  
NERIM Group of Institutions, Jayanagar, Khanapara, Guwahati - 781022  
[www.nerimindia.org](http://www.nerimindia.org) / [nerimindia@gmail.com](mailto:nerimindia@gmail.com)



### सुजुगिरिनि खोलोम

## बांनय सुबुं अन्जिमा

सुबुं माहारिनि गिरेर जेनाफोरनि गेजेराव सुबुं सानखो बारयनायाबो मोनसे। मुलुगनाडे सानफ्रोमबो बांलांनो हमनाय सुबुं सानखोखौ लानाने आधिखाल समाव गोबांथार हादतफोरा बाइदिसिना हाबाफारि आजावनाये बेनि बोसांनय राहा दिहुनो नाजाबोनाय नुनो मोनय जायो। सुबुं सानखो बारयनाया नौनारि सुबुंफोरनि थाखायनो गिथावना आरो जिगा सिथावना थासारि लानाने फेदो। बारयनाय सानखोखौ सिमना गोनां खालामनो नाजाबोनाय जादो, नाथाय जाफुनाय-जाफुडे-खौ नोजेराव गोलेनाय नुनो मोनय जाया। बोसोफ्रोमबो जुलाइ दाननि जिसे अक्खो बाइदिसिना हाबाफारिनि गेजेरजो बे सानखौ फालिनाय नुनो मोनय जायो। मिबथिनो मोनया बादिदे 1987 माइथायाव मुलुगनि सुबुं सानखोया बाजो कौटिनि बांसिन जानाय समनफ्रायनो जुथाय हादतआ बेनि गिथावनाखौ नुनाने सांग्रिथि लाबोनो मुलुगनां सुबुं सानखो सान फालिनो थांखि लानाय जायो। सुबुं सानखो सान फालिनो डे केसि जेकारियाहा थांखि होनाय बादिदेनो थांनय 1990 नि जिसे जुलाइआव गिबि मुलुगनां सुबुं सानखो सान फालिनाने गिथावनाये बांलांनो हमनाय सुबुं अन्जिमानि सायाव सुबुं समाजखौ सांग्रिथि लाबोनो नाजानाय जायो। देलाय फालिनाय मुलुगनां सुबुं सानखो सानखो "सासेबो उनाव दानागारलो, साफ्रोमखौबो सानलो" थीमजो फालिनाय जादो। बेनि गेजेरजो मुलुगनाडे थांनय नौनारिफोरनो गोनांथि जानाय खाबु गथायनो थाखाय सुबुं सानखोनि फोरमान बुधुमनायाव गोनांथि आजावनाय। बे समनफ्राय फेये फेये आधिखाल मुलुगनि सुबुं सानखोया 8 जो कौटिनिखुडबो बांसिन जाफेबाय। सोलिफु समआव बारयनाया सुबुं सानखोया जोगालु हाबायाव देहा लाबोनायजो लोगोसे आवहावायावबो मैखोमे जेना लाबोयो। सुबुं सानखो बांनयजो खहा जानायखो नोजेराव बाइय नुयोब्लाबो बेनि नुनो मोने खेफालिनाये खहा लाबोनाय गोबांथार नुनो मोनय जायो। आथोनारि समाथाय, गोगो देहाये जोनोम आरो नखर फिसा खालामनारिनि सायाव सुबुं समाजखौ सांग्रिथिजो निबथि होनाय बे साननि गेजेरजो नुनो मोनय जायो।

सुबुं सानखो बारयनाया सुबुं माहारिखौ निखावरि, खामानि गैये जानाय जेना आरो सोलौंथाय बादि गोबां आयदाफोरव उन गोलेसोनांनारिनि जाहोन लाबोनो हागो। बेनि अनगाये हादतनि रांखाथियारि बिथानि सायावबो गोहोम खोखौनो हागो। सुबुं सानखो बारयनायखौ माखासेनि थाखाय मोजां आरो गुबुन माखासेनि गात्रि जानायखौबो नुनो मोनय जायो। नुनो मोनया जायोदि-मुलुग हादतफोरनि माखासेयाव सुबुं सानखो बारयनाया गोबां जायोब्ला गुबुन माखासेयाव बाइय जानायखौबो नुनो मोनो। आधिखालनि समाव सुबुं सानखो बारयनो रोडेनि थाखाय बबेबा बबेबा राव-हारिनि सुबुंफोरो गोमालानारिनि लामा लानो हमनायखौबो मिबथिनो मोनया जायो। जेनि हादतनि गेजेरवनो माखासे फिसा राव-हारिनि सुबुंफोरो जोबलांनारिनि लामा लानायखौ गोबां समाव सावरयनाय नुनो मोनो। बेराफारसे माखासे राव-धोरमनि सुबुंफोरनि सुबुं सानखो बारयनाया दे बाना लोमसावनाय बादिबो नुनो मोनो। बेनि जाउनव थांनो जायगा गैये जानाने गुबुन हादतफोरव हाबखुमाहेनाय जाथायफोरा सोलिवाय थांनारिनि खौर मोनया जायो। सुबुं सानखो बाइय ओन्सोलाव हखाबे सुबुं सानखो बांनय, नांलाय-खमलाय थासारि सोमजिनाय बाइदिसिना जाथायफोर बेनि जाउनवनो जानाय सम सम मिबथि मोनया जायो।

मुलुगनि गेजेरवनो बांसिन सुबुं अन्जिमा थांनय चीनखौ उनाव गालांनाने भारतनि सुबुं अन्जिमाया मुलुगनि बयनिखुडबो बांसिन जाफेबाय। दासिम जोसे ब्रैजिने कौटिनिखुडबो बांसिन जाबाय भारतनि सुबुं अन्जिमाया। सुबुं थांनय रेजोबथिखौ नायोब्ला चीन हादतनि रुजुनायाव भारतनि रेजोबथिबायो गुबुंसि। मुलुग हादतफोरनि गेजेराव माखासे हादतफोरनि सुबुं सानखोया जे बाइय बेबादिनो रेजोबथिबायो जोबोदे गेसे नुनो मोनया जायो। नुनो मोनया जायो मंगलियाआव मोनफ्रोम कि:मि:आव सांने, रसियाआव सागु, अस्ट्रेलियाआव साथाम आरो बेबादिनो कानाडयाव साब्रे सुबुं थांनयखौ मिबथिनाय जायो। बेराफारसे जौनि न'सुसे फिसा हादत बांलादेशनि मोनफ्रोम कि:मि: ओन्सोलाव सुबुं थांनय रेजोबथिबा ये रेजा थामजो नैजिगु।

## राइज्योनि रांखाथियारि जौगाखांनय लाबोनो तिजु जुंकि दैसाखौ बाहायनाय जागोन: सनवाल



**डिमापुर, 16 जुलाई :** मिरुआरि जाहाज गाथोन, जाहाज रानि आरो राजा लामा मन्थि सर्बानन्द सनवालआ थांनय समबार ( 15 जुलाई) खालि डिमापुराव खुंनय जौगाखां जथुमनि समाव नागालेन्डनि दै लामानि गोहोखौ जाफुसाहेनाय थांखिजो गहाइ बिथांखि फोसावयो। नागालेन्डनि गिबि मन्थि नेप्यु रियआ सनवालजो लोगोसे गोरोबलायनाने हादतयारि दै लामाखौ फोसावो। भारतयारि अट'रिटी (आइडब्ल्यूआइ) आरो नागालेन्ड हान्था-मेला बिफानआ नेभिगेशन फिसिबिलिटीनि थाखाय तिजु जुंकि (माहारियारि राजा-लामा 101) खौ नायबिजिरनो थाखाय गोरोबलायनाने खामानि मावगोन। रिय आरो सनवालआ देयां दैसा बिलोनि दावबायारि गोहोखौ जौगाखां होनायनि थाखायबो थांखि लानाय जागोन होनाने फोसावो। बेयाव फोलेरारि गाथोनफोरजो लोगोसे पेक्स गाथोनफोरनि फिलिबिलिटीखौ नायबिजिरनो, जाय नागालेन्डनि दावबायनाय गोहोखौ बांहोगोन। बे बांधाफोरखौ आइडब्लिउआइनि गेजेरजो खुंनय जौगाखां जथुमनि इन्ट्रिक्टिभ जथुमनि समाव फोसावो मिरुआरि जाहाज गाथोन, जाहाज रानि आरो बिफाननि नडेल एजेन्सिआ। बे सनवालआ बुडोदि, दै लामाया हान्था-मेलानि बयनिखुड जर'खा, जाय भारतनि जौगाखां इन्जिन महेरे सा-सान्जायाव गहाइ बिफाव लायो। बेजो लोगोसे रिय आरो सनवालआ ओन्सोलनि लाइमोनफोरखौ खामानि मोन्नी थाखाय लैथोयारि कौशल जौगाखां मिरुआव लैथोयारि कौशलवाव ट्रेनि लानो खावलायो।

## मानासयाव गोलोम बोथोरनि बिगियान सोलौंथाय, बिजिरथाय आरो मिथिंगायारि बादा खुंदो



**सालबारि, 16 जुलाई:** भारत जन बिगियान दावबायनाय, माहारियारि गथ'सा बिगियान गोमा, बाक्सा जिल्लानि बान्जानयायाव आरो सालबारि महकुमा खौरिगिरि आफादनि बान्जानयायाव वर्ल्ड हेरिटेज साइट मानास माहारियारि पार्कनि बासबारि हाग्रा ओन्सोलनि पलरिफान कटेजयाव दिनेनिफ्राय सान्नेनि हाबाफारिजो गोलोम बोथोरनि बिगियान सोलौंथाय, बिजिरथाय आरो मिथिंगायारि बादा खुंनय जादो। आसामनि कामरुप, कामरुप (मेट्र), दर, उदालगुरि, बजालि आरो बाक्सा जिल्लानि सा 50 निखुड बांसिन फरायसाफोरनो दावसिन नायसंनय आरो सरैखाथिनाय, बिगियान आरो जादु, हाग्रानि जुनात सरैखाथिनाय आरो सुबुं, नेसार मेपिं, जादुनि गेजेराव बिगियान, मिथिंगा आरो आरिमु, टेलिस्कपनि हेफाजाबाव अखामा बिजिरसंनयखौ फोरंथाय होदो। बिगियाननि बायदि रोखोमनि खामानि, साहस गोनां गेलेमु, दावबायारि बिगियान दिन्थिफुंराय गारि, फोथायनाय आरो मिथिंगा, दैसा आरो मिथिंगा, जायगानि थासारिखौ बिजिरसंनय बायदि कारिफरि दिन्थिनाय जागोन होन्ना माहारियारि गथ'सा बिगियान गोमानि बाक्सा जिल्ला क-अडिनेटर अलकास आलिजो लोगोसे माखासे जर'खा सुबुंफोर सान्नेनि हाबाफारियाव गोलोम बोथोरनि बिगियान सोलौंथाय, बिजिरथाय आरो मिथिंगायारि बादानि दिनेनि सेथि सानाव मानास ओन्सोलनि माखासे फरायसालिनि 100 निखुड बांसिन फरायसाफोरा बाहागो लादो।

## बाक्सानि निमुवायाव 'सान्जा गबर्धना आन्सलिक दालाइ साहित्य सभा'नि गोदान आफाद दादो

**सालबारि, 16 जुलाई:** आसाम साहित्य सभानि आफादरि बिथाखौ नोजोर लानाने बाक्सा जिल्ला साहित्य सभाआ जिल्लयायाव दालाइ साहित्य सभा आफाद दानायनि बिथिडाव जोबोद गोनांथि होबोदो। बे थांखिखौ लानाने मैया रबिबाराखालि बेलासिनि 5:00 रिगायाव निमुवा चकयाव थांनय सान्जा गबर्धना आन्सलिक जौगाखां आफादनि मावखुलियाव सान्जा गबर्धना आन्सलिक जौगाखां कमिटीनि अरायथा आफादगिरि गपाल बर्मननि आफादगिरि मासि सामलायनायाव मोनसे राइज्योआरि मेल खुंजालाडे। फोरेंगिरि प्रदिप कुमार बर्मनआ थांखिलाइ लानाय बिबुंथि होनाय मेलयाव बाक्सा जिल्ला साहित्य सभानि सामलायगिरि रन्जित बर्मनआ जिल्ला साहित्य सभानिफ्राय नोजोरिगिरि महेरे बाहागो लायो। मेलयाव बाक्सा जिल्ला साहित्य सभानि गायसनगिरि-आफादगिरि आरो आसाम साहित्य सभानि जालाह आन्सलिक मावखुलिन बारा' नेहाथारि दामदर तालुकदारआ बाहागो लाफैनाये आसाम साहित्य सभानि जिउनाडे सोद्रोमसिनि सायाव आफादआ जोबोद गोनांथि होबोदो होन्ना मख'नाने बुंदोदि, आसाम साहित्य सभाआ आफादनि जिउनाडे सोद्रोमसिखौ जोबोद गोनांथि होबोदो। गुबुन फारसे, निमुवा ओन्सोलनि जर'खा समाज सिबियारि गागि सुबुं जितेन दास आरो बसन्त



स्वर्गियारिमोन्हा बाहागो लाफैनाय मेलयाव 'सान्जा गबर्धना आन्सलिक दालाइ साहित्य सभा' मुंजो सा 21 सोद्रोमाफोरखो लाफानाने मोनसे गोदान मावफुं आफादखौ दानाय जायो। मेलयाव प्रदिप कुमार बर्मनखौ आफादगिरि, महम्मद फजलुर हकखौ लेखइ आफादगिरि, प्रसान्त नाथखौ नेहाथारि, कमल पाठक आरो हिमन्थि दासखौ लोगो नेहाथारि, जगदिश राज दासखौ रंगिरि, कपिल महन्तखौ सामलायगिरि, तरनि दासखौ हारिमु नेहाथारि, जगनाथ नाथखौ लाइसि नेहाथारि, बैद्यनाथ बर्मन, मिलतन बसुमतारि, दिव्यामनि बसुमतारि आरो प्रसजित नाथमोन्नो बायदि बिबान होनायजो लोगोसे मोनसे सा 21 सोद्रोमानि गोदान आफादखौ दानाय जायो।

## मेघालयाव बाइजोनि सुबुंफोर हाबनायखौ होबथानो थाखाय आरोबाव गंसे चेक पस्ट गायसन्दो



**शिल, 16 जुलाई :** मेघालयआव आइएलपि मदतगिरि मावसुमाफोरा थांनय समबारखालि हाजोयारि राइज्योआव बाइजोनि सुबुंफोर हाबनायखौ होबथानो थाखाय आसामखौ सरजाबग्रा सान्जा जयेन्तिया हिल्स जिल्लानि सान्जा बाहागोआव आरो गंसेबाव चेक पस्ट गायसनो। गायसन्नाय बे थामथि चेक पस्टफोरनि गेजेराव बांसिनानो गोहोम गोनां खासि फरायसा आफाद (के एसइउ) नि सोद्रोमाफोरनि सिडव। बिसोरो हाबफैखोमानायखौ होबथानो पुसिया चेक पस्ट आरो मिरुखौ बारायनांगो होन्ना दाबि दैखंगासिनो दड। लोगोसे सा-सान्जा राइज्योआव इनार लाइन पार्मिट (आइएलपि) नेम-खाथि फोसावनांगो। अदेबानि आइएलपिया मोनसे जर'खा पार्मिट, जाय हादतनि गुबुन गुबुन थागिबिफोरनो अरुणाचल प्रदेश, नागालेन्ड, मिज'राम आरो मणिपुर राइज्योफोराव हाबनो आरो मोनसे थिखानाय समनि थाखाय थांनो थाखाय गोनांथार। जो बाइजोआरि सुबुंफोरखो नायबिजिरनो थाखाय उमकियांआव आरोबाव गंसे गेट गायसंखांवाव होन्ना जिल्लयायाव थांनय फसंथाननि सासे गागि दैदेनगिरिया पिटिआइनो फोरमायो। मेघालय बिधान सभायाव गासै दोलोनि गनायथिजो मोनसे थांखि पास खालामदो मोन, जेराव मिरुनिफ्राय थांनय 2019 आव मेघालयआव आइएलपिनि हाबाफारिखौ बांहोनारिनि सायाव सावरयनो खावलायदोमोन आरो बेयो सरकारनि गनायथिखौ नेगासिनो दड। के एसइउ दैदेनगिरिया दाबि दैखानाय बायदिब्ला माखासे बोसोरनि गेजेराव बाइजोआरि सुबुंफोर हाबफैनाया गोबां बांनय आरो के एसइउआ बेखौ नायबिजिरनारिनि बिबानखौ लानाने होबथानो आखाइयाव लादो होनाने बिथाड बुडे।

## दिनेनि फान्जामुथि

**राशि बाइदिदै मुनि गिबि हांखो**  
**मेघ :** अ ल **बुष :** ऊ ब (उ ए इ) **मिथुन :** क छ (ड घ)  
**कर्कट :** ड ह **सिंह :** म ट **कन्या :** प ठ (ण ष)  
**तुला :** त र **वृश्चिक :** ब न **धनु :** ध भ (ढ फ)  
**मकर :** ख ज **कुम्भ :** ग श (स) **मीन :** द च (ख ज झ)

- मेघ:** नख'रनि सोरजोबाफोर सोमोन्दो गावसालायनाय जानो हागो। गोसो हमथानाने सोलिनांगोन।
- बुष:** माखौबा लानाने जिगा सिनांनो हागो। गोसोखौ लोरबां लानो नाड।
- मिथुन:** गावनि रंग'थिनि थाखाय बयजोबो बाखाय जानो हागोन। गोसोखौ गोजोन मोनगोन। मोजां सान।
- कर्कट:** जेखि बादायलाया देहासार जानो हागोन। गोसोआव जौगानायनि दोहौ सोमजिगोन।
- सिंह:** जेबो जेना गैये सान्तिथै थांनो हागोन। फारफ्रोमथिबो मोजां। गोजोननि बार बारगोन।
- कन्या:** जेखियानो जाया गोथार खामानि मावनाने लानो हागोन। दिनेनि दिनआ मोजां।
- तुला:** जेना थांनयफोरा जोबखालांगोन। गोसोखौ शान्ति मोन्नी हागोन। मोजां दिन।
- वृश्चिक:** माबाफोर जेनायाव गोलेबायनो हागो। जैरेबो सांग्रां जानाने थांनया गाहाम।
- धनु:** जेखि फालांगि मावा मानो रांखावरि मुलाम्फा मोन्नी हागोन। गोसोखौ गोजोन मोनगोन।
- मकर:** बायदिसिना सान्नाये गोसोआव गिखांनय सोमजिनो हागो। गोसोखौ लोरबां दाखालाम।
- कुम्भ:** बहाबाफोर दावबायहेनो मोन्नी हागो। गोसोखौ गोजोन मोनगोन। मोजां सान।
- मीन:** मोजां मोनलायनायनि अनलायनाया बांगोन। दैलेँओ गोर जागोन। मोजां सम।

## मणिपुरआव केसिपि-एननि सा 10 केदारफोरजो लोगोसे सासे लांखार जानाय सुबुंखौ बोखांदो



**इम्फल, 16 जुलाई :** रैखाथि हान्जाफोर थांनय 48 घन्टानि गेजेराव हिंसाजो सारलोबनाय मणिपुरनि हायेन जिल्लानि दरने जिल्लानिफ्राय मोनसे उतखारि फसंथाननि सा 10 केदारफोरखौ हाथियार आरो गारिजो लोगोसे हमनो हायो आरो सासे लांखारजानाय सुबुंखौ रैखा खालामनो हायो। मणिपुर पुलिसआ फुनि बुलेटिनआव बुंनय बायदिब्ला, रैखाथि हान्जाफोर होबथानाय आफाद कांलेइपाक कमिउनिस्ट पार्टी नंडेनखम्बा (केसिपि-एन) नि सा 5 केदारफोरखौ हमनो हादो। बिसोर बे सासे सुबुंखौ लांखारदोमोन आरो खंजम टेकचम माखायाव थांनय गंसे केम्पआव खालामनाय मोनसे अपारेसनआव बिसोरखौ हमनो हायो। बिसोरजो लोगोसे 10 गोथां गुलि, गंभ्रै 9 मि.मि. पिस्टल, थर 9 गोथां बमा, गंसे

## गोब्राब अखा हाबाय थांनयनि जाहोनाव बडाइगावआव बानाय गोदान हादतयारि राजा-लामाया गुगालांदो



**बडाइगाव, 16 जुलाई :** बडाइगाव जिल्लानि तुलुंगियानिफ्राय जगिधपासिम हादतयारि राजा-लामायाव गोदाने बानायजानाय लामानि मोनसे बाहागोया गुगालांदो। थांनय माखासे साननिफ्रायनो गोब्राब अखा हाबाय थांनयनि जाहोनाव लामानि माखासे बाहागोफोरा गुगालांदो। जगिधपानि चलन्तपारायाव लामाफोरा ख'हा जादो। बे

## कम्पानिनी खामानि होनायखौ मावफुडेनि थाखाय गावसिनि खुद्रिनायखौ दिन्थिदो

अजद होनाय जादोदि, राजा-लामाखौ बानायनायाव मोजां नडे बेसादफोरखौ बाहायनायनि जाहोनावनो बिबि जेनाया नुजाथिदो आरो बेखौ मोजाडे बानायलासिनो दोन्दो। सम-सम लामा बानायग्रा हान्जाआ अन्थाइफोर होनाने ख'हा जानायखौ बानायफिनायनि अजद होदो। लामानि बे बाहागोफोराव बेबायदि जेनाफोरा जेब्लाबो सोमजिबाय थायो आरो बिबानिगिरिफोरा बे जेनाखौ फोजेबसांनो थाखाय गोखो राहा लानांगो, जाहाथे इयुनाव लामाफोरा गले गले गुगालाड आरो खहा जानाने जाब बथायाव सुबुंफोरा गोलेनाड।



## मिरुनि रैखाथि मन्थि राजनाथ सिंआ उदखारिनि हेंथायै नायबिजिरनो सान्थिनो उदां थांखि लानो होदो

गोदान दिल्ली, 16 जुलाई: मिरुनि रैखाथि मन्थि राजनाथ सिंआ भारतीय सान्थिनो गहाइजो बांधा सावरयदो अपारेसनफोरनि बागी खोरं लादो। मन्थि राजनाथ सिंआ सान्थिनो गहाइ बिबानगिरिनो उदखारिनि हेंथायै गोखो नायबिजिरनयनि थाखाय उदां रेहाय होदो एबा बिबानगिरिआ थासाखिखो नोजोर होना गोखो बिथोन एबा थांखि लानो हागोन होना फोसावदो। मख'जाथावदि, समबारखालि जम्मु-काश्मीरनि ददा जिल्लाआव सान्थि हान्जा आरो गोखो हाथियार लानाने फे नाय उदखारिफोरजो गुलि गावलायदोमोन। बे गावलायनायाव सान्थिनो सासे बिबानगिरिजो लोगोसे सा 5 सान्थिफोर गोब्राब जोखोम जादोमोन। बेनि उनाव मंगलबारखालिबो बेबायदिनो उदखारि आरो सान्थि हान्जानि गेजेराव गुलि मोनाबलिआव देसा हाग्रा ओन्सोलनि धारिगति उरबागिआव जुथायै बेंखनाय



जाथायफोरनि सायाव सरकाआ गोखो एक्सनआव फेदो। बेनि गेजेरजो मिरुनि रैखाथि मन्थिआ सान्थि हान्जानि गहाइ बिबानगिरिनो उदखारिनि हेंथायै गोखो नायबिजिरनयनि उदां मोन्थाइ होयो। समबारखालि मोनाबलिआव देसा हाग्रा ओन्सोलनि धारिगति उरबागिआव जुथायै बेंखनाय

आरो सिप्रोमनाय हाबाफारि लानाय जादोमोन। बेवहाय उदखारि आरो रैखाथि हान्जानि गेजेराव गुलि गावलायनाय जायो। अदेबानि उदखारिफोर बेनिफ्राय खारखुमानो नाजादोमोन। सासे बिबानगिरिनि दैदेननायाव जवानफोरा रोजा हाग्राबारिआव उदखारिफोरखो उन-उन होसोलाडो। मोनानि 9:00 रिगासो समाव हाग्राबारिआव फिन

गुलि गावलायनाय जायो। जेराव सा 5 जवानफोरा जोखोम जादोमोन। ददाआव जानाय बे उदखारि गावलायनायनि बिबानखो काश्मीर यइगास मुनि मोनसे आफादआ लादो। बे आफादआनो काटुवाआव उदखारिगावलायनायनि बिबानखो लादोमोन। काश्मीर यइगासआ उदखारि आफाद जेशनि दालाइ हान्जा।

## हिंसानि बिबुंथिखौ लानानै बिजेपि आरो कंग्रेसनि गेजेराव दान्थे-बिदान्थे

गोदान दिल्ली, 16 जुलाई: आमेरिकानि आगुनि हादतगिरि डनाल्ड ट्राम्पनि सायाव गावलायनायखौ मख'नानै बिजेपिया दाय जाबसिनोदि, भारतआबो बेबायदिनो इन्डिया जुथाइ दोलो आरो कंग्रेस गहाइ मन्थि नरेन्द्र मदि आरो बिजेपि मावसुमाफोरनि हेंथायै हिंसायारि बिबुंथि होगासिनो दड। बिजेपिनि माहारियारि बुंथिगिरि शहजाद पुनावालाआ समबारखालि बुजेदि, आमेरिका बायदि सुबुं खुंथायाव बबे थासायि दडमोन, जायनि जाहोनाव बे रजखान्थियारि हिंसायारि जाथाया जायो।



भारतयावबो बेबायदि खालामनो नाजागासिनो दड होना बिथाड बुंदि, बेखा दोलोआ नंखाय खोरं गोसार होगासिनो दडदि, जुदि बिजेपि सरकाव खुंथायाव थायोब्ला संबिजिजोबसिनो, सुबुंखाथिया

जोबना थांसिनो आरो बिसायख'थिबो जानाय नड। बेराफारसे कंग्रेसबो बिजेपिनि बेबायदि दाय जाबसिनयनि सायाव नोजोर खोखैदो, जायनि जाहोनाव कंग्रेस दैदेनगिरि पवन खेड़ाआ

बुजेदि, दैदेनगिरिफोरनि रैखाथि आयदानि सायाव राजखान्थि खालामनो नाड। बिथाड दाय जाबसिनोदि, गहाइ मन्थि मदि आरो गासे बिजेपिया जवाहरलाल नेहरु, इन्दिरा गान्धी आरो गासे नख'पनि हेंथायै नंखाय खोरं गोसार होनानै सुबुंफोरखौ कंग्रेस दैदेनगिरि हेंथायै थुन्जलायगासिनो दड। बेनि सिगां थांनय रबिबाराखालि बिजेपिनि आइटी सेलनि गहाइ अमित मालवीयआ बुंदिमोनदि, थामथि खेब फेल जानाय रहल गान्धीया गहाइ मन्थि मदिनि हेंथायै हिंसाखौ थुन्जलायो।

## स्मृति इरानीनि उनाव सा 200 निखुइ बांसिन आगुनि एमपिफोरा लुटियान्स दिल्ली नागराजगोन

गोदान दिल्ली, 10 जुलाई: सा 200 निखुइ बांसिन आगुनि एमपिफोरा लुटियान्स दिल्लीयाव थानाय गावसोरनि सरकायि न'खौ खालि खालामनांगोन। बे आगुनि एमपिफोरा दासिमबो गावसोरनि बांग्लाफोरखौ खालि खालामाखै। सुलुनि बायदिब्ला, बे एमपिफोरनो नटिसखौ नेम-खान्थि गेजेरजो फोसावदो। नेम-खान्थि बायदिबे आगुनि एमपिफोरा थांनय लक सभा भंग जानायनि दानसेनि गेजेराव गावसोरनि सरकायि बांग्लाखौ खालि खालामनांगो जायो। गुबुन आगुनि एमपिफोरनो न'टिस फोसावनाय हाबाफारियाबो सोलिगासिनो दड। जुदि आगुनि एमपिफोरा सरकायि न'खौ खालि खालामाब्ला, बोलो बाहायनानै खालि खालामनो बिबानगिरिफोरनि टीमफोरखौ दैथाइहरनाय जागोन। सुलुनि बायदिब्ला लक सभा सेक्रेटारिया एमपिफोरनो थाया न' होयो। बेराफारसे न' आरो शहरारि हाबा



मावग्रा बिफान (एडचइए) आ मिरुयारि मन्थिफोरनो लुटियान्स दिल्लीयाव बांग्ला जगायना होयो। जुदि आगुनि मन्थि आरो एमपिफोरा थिखानाय सम सिमनानि गेजेराव खालि खालामाब्ला बिसोरनि हेंथायै दखल खालामनायनि महरी नायबिजिरनाय जायो। दासिमाव रावबो मिरुयारि मन्थिफोरनो थिखानाय सम सिमनानि गेजेराव बाडसिन सम थानायनि थाखाय जेबो नटिस फोसावनाय जायाखै। बेनि

गेजेरजो खोरं फेयोदि, मिरुयारि न' आरो शहरारि बिथिफोरनि

मन्थि मनहर लालनो 8 उलधि एस्टेट बांग्ला ज'गायना होदोमोन। सिगाखब बे बांग्लाखौ सासे आगुनि मिरुयारि खोरं फोखावग्रा कमिशनारो ज'गायना होदोमोन। सुलुनि बायदिब्ला, स्मृति इरानीजो लोगोसे साब्रैनिखुइ बांसिन आगुनि मिरुयारि मन्थिफोरनो लुटियान्स दिल्लीयाव गावसोरनि सरकायि बांग्लाफोरखौ खालि खालामो।

## जम्मु-काश्मीरनि ददाआव भारतीय सान्थिन सासे केप्टेनजो लोगोसे साब्रै सान्थिफोरा मुंखलं जादो

गोदान दिल्ली, 16 जुलाई: जम्मु-काश्मीरनिफ्राय फिन खेबसे बाव हादतखौ बिखा खामहोनाय जाथायनि खोरं मोनो हादो। जम्मु-काश्मीरनि ददाआव उदखारिफोरजो गावलायनायाव भारतीय सान्थिन सासे केप्टेन आरो साब्रै सान्थिफोरा फिन मुंखलं जानाडो। गोथै ओन्सोल आरो रोजा हाग्राबारिआव मंगलबारखालि सिप्रोमनाय हाबाफारि खालामनाय समाव उदखारिफोर थाखोमानानै सान्थि हान्जानि सायाव गावलोबो। बेयावनो साब्रै जोहोलाव सान्थिफोरा मुंखलं जायो। बिसोरनि अनगायै ददाआव उदखारिफोरजो गोब्राडे जुजिनय

समाव भारतीय सान्थिन केप्टेन वृजेश टपाआबो मुंखलं जायो। खोरंनि बायदिब्ला, टपाआ 2थि थाखोनि सान्थि बिबानगिरिमोन। बिथानि बिफा कर्नेल भुबनेश टपाआ सान्थि हान्जानिफ्रायनो रिटायर जानाय आरो बिफानि बिब'आ सासे नेपालि देंखोगिरि। बिसोरनि नख'रारिफोरा शिलिगुरिआव थायो। वृजेश टपाआ 2019 आव भारतीय सान्थिआव जयेन जादोमोन।



उदखारिफोरजो जुजिनानै मुंखलं जानाय सान्थिफोरनि मुख केप्टेन वृजेश टपाणि

अनगायै नायक डि रजेश, जवान भिजेन्द्र आरो अजय।

### RECRUITMENT NOTICE

In pursuance of the Govt. communication vide eCF No.523353/1 dated 16<sup>th</sup> July, 2024, this is for information of all concerned that the verification of the original documents in respect of the candidates shortlisted by Assam Public Service Commission vide Notification No.209PSC/CON/Exam-30/2018-2019 dated 13<sup>th</sup> July, 2024 for appointment to the post of Assistant Professor (Technical) in the State Engineering Colleges under Higher Education Department is scheduled as per details given below:  
**Date & Time:** 19<sup>th</sup> July, 2024 10:30 AM onwards  
**Venue:** Office of the Director of Technical Education, Assam, Kahilipara, Guwahati-19.  
Note: Detailed information is available at the official website of Directorate of Technical Education, Assam.  
Sd/- Director of Technical Education, Assam, Kahilipara, Guwahati-19.  
Janasanyog/D/2597/24/17-Jul-24

No. DT/G-522/FCI/2024-25/113

Dated: Kokrajhar the 16/07/2024

### RESULT

The Tourism Department hereby declares today, the 15<sup>th</sup> July, 2024, the selection result of students for Hospitality Management courses in Front-Office, Food Production, Food Beverage and Bakery & Confectionery and House Keeping; fully sponsored by Tourism Department, Govt. of BTC at Food Craft Institute (FCI), Samaguri, Nagaon, Assam advertised vide letter 1) No. DT/G-522/FCI/2024-25/50, dt. 15/06/2024 and 2) No. DT/G-522/FCI/2024-25/63, dt. 25/06/2024.

The Oral interview & document scrutiny were conducted by the Joint Secretary, Tourism Department, BTC and Director cum CHD, Tourism Department, BTC, Kokrajhar; in collaboration with faculties of FCI, Samaguri, Nagaon on 09<sup>th</sup> July, 2024. The department recommended the following list of students for undergoing the Diploma courses in 5(five) departments.

### SELECTED LIST:

S.N.	NAME	DEPARTMENT
1	Nikon Roy	Front Office
2	Fabian Basumatary	Front Office
3	Sourav Sarania	Food Production
4	Rimika Muchahary	Food Production
5	Francis Daimari	Food Production
6	Arun Bara	Food & Beverage Service
7	Pinkey Bakla	Food & Beverage Service
8	Deepa Chetry	Food & Beverage Service
9	Nabla Basumatary	Food & Beverage Service
10	Monira Daimary	Food & Beverage Service
11	Amush Baglari	Food & Beverage Service
12	Danswring Basumatary	Food & Beverage Service
13	Jangila Daimary	Food & Beverage Service
14	Elisha Basumatary	Bakery & Confectionery
15	Kwrwmdao Basumatary	Bakery & Confectionery
16	Pabita Basumatary	Bakery & Confectionery
17	Nijara Ranchorary	Bakery & Confectionery
18	Monika Brahma	Bakery & Confectionery
19	Mainao Basumatary	House-Keeping
20	Dwijji Basumatary	House-Keeping

### WAITLIST

1	Derhasa Daimary
2	Nepsun Daimary
3	Ranjita Brahma

Sd/- Director cum CHD  
Tourism Department, BTC, Kokrajhar.

IPR(BTC)/C/2024-25/143

## उत्तराखण्ड आरो मध्य प्रदेशजो लोगोसे दरखै राइज्योफोराव जुब-जुब अरवा हागोन: बोथोर बिफान



अमरहा, बिजनौर, बरेली आरो खाथि-खालानि ओन्सोलफोराव अखाजो लोगोसे सार-अथाइ गावनो हागो होना सन्देह' फोरमायदो। बोथोर बिफाननि बायदिब्ला इडपिनि रामपुर, गाजियाबाद, सहारनपुर, शामली, मुजाफ्फरनगर, बागपत, मेरठ, हाइपुड गौतमबुद्ध नगर बुलन्द सहर, आलिगड मथुरा, हाथरस, आग्रा फिरजाबाद

पुणेनि थाखाय अरेन्ज एलार्द फोसावदो। लोगोसे अन्ध प्रदेश आरो तेलंगानायाव 18-19 आरो उरिथाआव 19 जुलाईआव गोबां अखा हानायखौ लानानै अरेन्ज एलार्द फोसावदो।

## आसामआव बिजेपिआ हिमन्त बिश्व शर्मा कम्पानी लिमिटेड जानानै थासिनो: अखिल गौ

गुवाहाटी, 16 जुलाई: यज्ज दल पार्टिनि आफादगिरि आरो बिबसागरनि एमएलए अखिल गौआ थुबुरिआव मिडियाजो सावरयनायाव सिएए आयेन बानायनायनि सायाव गोखो फिनजाथाइ होनानै बेखौ आसामनि बेखा, संबिजिरनि बेखा, कमिउनेल बेखा जिउनि खेफोद गोनां आयदा होना बुडो। गोजाम बिजेपि, जाय खेमा कंग्रेस खुंथाइनि गेनाखान्थिनि हेंथायै गसनयनि थाखाय खोसे जादोमोन, बेखो बे दैदेनगिरिफोर नेवसिगारदो, जाय बावैसो सिगां कंग्रेस खेमनिफ्राय थादोमोन। आथिखालाव रजियो बिजेपिआ जेबो नड, हिमन्त बिश्व कम्पानी प्राइभेट लिमिटेड जाबाय। एमएलए गौआ गासे राइज्योआव सिएए लाबोनायनि राइज्यो सरकायनि थांखिखौ गनायथियै बुंथियो, जेराव बुंनय जादोदि, 24 मार्च, 1971 नि उनाव गावखौबे रेहाय होनाय जानाय नड। फार्सेथि सुप्रिम कर्टआव केसआ दासिमबो सोलिगासिनो। आसाम सरकायनि फोसावनाया बे थांखिनि थाखायल'। आसामआव थांफेनाय बांलादेशनि हिन्दु सुबुंफोरखौ रैखाथि होनांगोन। सिगां फार्से अखिल गौआ बुंबाबोदि, गिबि मन्थि आ बुंनय सिएएनि हाबाफारिनि गेजेरजो सानैल' सुबुंआव आर'ज गाबदो, अब्ला बे संबिजिदआरि नडे आयेनआ मा बिफाव दड? 1971 नि उनीनफ्राय बैयाव रावबो बांलादेशि सुबुंफोर फेयाइ आरो आसामनि सुबुंफोर बे आयेननि थांखिफोरखौ नेवसिदो। बेबायदि थासायारिब बे आयेनखौ फोजेबनांगो।

ADVT. No. 1/2024

### PARLIAMENT OF INDIA

(RECRUITMENT BRANCH, LOK SABHA SECRETARIAT)  
Applications are invited from all eligible non-official Indian citizens and retired employee(s) of Lok Sabha and Rajya Sabha Secretariats, Central/State Government(s), State Legislature Secretariats, Autonomous bodies, Central/State Public Sector Undertaking(s), Supreme Court of India / High Courts and local bodies for **empanelment of Consultant Interpreters for Regional Languages on contractual basis** in Lok Sabha Secretariat.

Empanelment of Consultant Interpreters for Regional Language(s)	Number of Consultant Interpreters to be empanelled
BODO	01
GUJARATI	03
MARATHI	01
KASHMIRI	01
KONKANI	03
NEPALI	01
SANTHALI	03
TAMIL	02
TELEUGU	02
URDU	01

The last date of receipt of application is 05.08.2024. For further details and prescribed application form, please visit: [www.sansad.in/ls/recruitment](http://www.sansad.in/ls/recruitment) under the link **Advertisements & Notices**. Please also visit the above website from time to time for any further information.

cbc31201/11/0002/2425

गुवाहाटी, 16 जुलाई: आसाम सरकारआ राइज्योनि सिमना पुलिसखौ बुंदिदि, बिसरो 31 डिसेम्बर 2014 नि सिगां आयेन बेरेखायै भारतआव हाबफेनाय मुस्लिम नडेफोरनि केसखौ गुबुन हादतयारि टिबुनेल्सोनो दैथाइहरनाड। राइज्यो सरकारआ फोसावनाय बिथोननि सांथिया जादो गुबुन मुस्लिम नडेफोराव हिन्दु-बेगलिआबो दंफावो। राइज्योआव मुसलमानफोरनि सायाव टिबुनेल्सोरनि गेजेरजो केस सालायनाय जानाय नड, जाय कुइसि-जुदिसियेल फसंथान जाय नोगोरारिनि केसफोराव थांखि लायो। रिपटफोरनि बायदिब्ला,

आसामनि गिबि मन्थि हिमन्त बिश्व शर्माआ समबारआव बुंदिदि, राइज्यो सिमा पुलिसनो हिन्दु, सिख, खुस्तान, पारसि, जैन आरो बैद्ध धोरामजो लोब्ला थानाय आरज गाबनायफोरखौ सिएएआव नोगोरारिनि थाखाय आरज इन्फिउडआव नुजाथिदो।

गाबनायनि बोसोन होनो नांगो। पटेल आरो बेनि केसफोरखौ मिरु सरकाआ थांखि लागोन। गिबि मन्थि शर्मानि बायदिब्ला, बेनि नेम-खान्थिफोरखौ बिथोनमा खालामनायनि उनीनफ्राय 4 दानआव आसामआव सा 8 आल' सिएएनि गेजेरजो नोगोरारिनि थाखाय आरज गाबदो। गहायै बांसिन सुबुंफोर कर्टआव गावनि नोगोरारिखौ फोरसान होनो सानो। गिबि मन्थिआ खोरंरारिफोरनि सिगाडव बुंदिदि, सा 8 आरज' गाबनायफोरनि गेजेराव सा 2 आल' इन्स्टेट सिटिजेन्सिप प्रसेसनि बाहागो महरी इन्फिउडआव नुजाथिदो।

## क्रेडिट कार्डजो खरसा खालामनायाव इन्काम टेक्सनि नटिस मोन्नो हागो

गोदान दिल्ली, 16 जुलाई: करना इन्फेक्सननि उनीनफ्राय क्रेडिट कार्ड बाहायनाया गोखैयै बांबोदो। मेट सिटिनिफ्राय लानाने फिसा-फिसा सहरफोरारवबो क्रेडिट कार्डखौ बाहायनाया लास्त्रियै बांबोदो। आथिखालाव लाइमोनफोरारो बांसिन बेखौ बाहायो। क्रेडिट कार्ड बाहायगिरिफोरनि थाखाय बे खोरं गोनंथार। मख'जाथावदि, क्रेडिट कार्डजो गिदिर ट्राजेक्सन खालामनाय एबा गोबां रनि सपिं खालामनाया नायबिजिरनयनि बेंखनाव फेयो। इन्काम टेक्स बिफानआ क्रेडिट कार्डजो खालामनाय ट्राजेक्सननि सायाव नोजोर लाखियो। बेवहाय माबाफोर सन्देह मोनोब्ला बिफानआ क्रेडिट कार्ड बिगोमानो नटिस हरनानै फिन्नाय बिहरो। टेक्स बिफानआ गोबां बिबानि लेन-देन खालामनायखो नोजोर लाखियो। मानोना बेवहाय मानि लन्ड्रिक आरो



टेरिस्ट फान्डीनि थाखाय बेखौ बाहायनायनिबो सन्देह थायो। रिजार्भ बैंकआबो बेबायदि लेन-देनखौ सामलायग्रा बिथोनफोरखौ गनायना सोलिनयनि सायाव नोजोर लाखियो। अदेबानि क्रेडिट कार्डजो खरसा खालामनायनि थाखाय जेबो जर'खा नेमखान्थि गैया। नाथाय बैंकफोर टेक्स बिफाननो गोबां बिबानि लेन-देन खालामनायनि रिपट होनांगो जायो। रांखान्थियारि फसंथानफोर फर्म 61 ए खौ बाहायना 10 लाखनि बांसिन बबेबा लेन-देन खालामनायनि रिपटखौ होनांगोआ गोनंथार। बेनिखायनो क्रेडिट कार्ड बाहायगिरिफोर मोनसे रांखान्थियारि बोसोराव क्रेडिट कार्डजो 10 लाख रनि बांसिन लेन-देन एबा बाहायनो नाड। लोगोसेनो गोबां खरसा खालामनाय एबा सपिंआव ट्राजेक्सन खालामनायनिफ्रायवो जानगाराव थानाया गहाम। बेनि अनगायै टेक्स बिफाननो बाहायगिरिफोर फर्म 26 ए एएसआव गोखौ रांखान्थिनि क्रेडिट कार्ड लेन-देननि रिपटबो होनांगो जायो। बयबो क्रेडिट कार्ड बाहायगिरिफोर सिमानि बांसिन खरसा खालामनोब्ला टेक्स बिफाननि नोजोरव गोलैनो हागो।



# खिरखिल' गोनां दर्जा गैये न'खौ सिनायथिनायनि सेलेन्स

जों जॉनि मेगनखौ गोखों आरो मेलेनखौ एक्टिभ एबा सांग्रां खालामना लाखिनो थाखाय सम-सम बेनि टेस्ट लानांगौ जायो। बेबायदि टेस्टिन थाखाय दिने मोनसे टेस्ट लानानै फेदों। अष्टिकेल इलुजनखौ मेगन आरो मेलेमनि थाखाय मोजां टेस्ट होन्ना गनायजायो। अष्टिकेल इलुजन सावगारिफोरव माखासे जर'खा सेलेन्स होनाय जायो, जायखौ होखानाय थि समनि गेजेराव फिन्नाय होनो हानांगौ। दिने बिबिद मोनसे अष्टिकेल इलुजननि सेलेन्स लानानै फेदों। सेलेन्सआव मोनसे सावगारि लाबोदों, जेराव गोबां न'फोर



दड, बेफोर न'आव दर्जा, खिरखिलफोरखौ नुनो मोनो। बेयावो सेलेन्सआ जादों दर्जा गैये न'खौ सिनायथिना दिहुन्नांगौ। बे न'खौ 10 सेकेन्डआव सिनायथिना दिहुन्ना

हायोब्ला नोंथाड सेलेन्सआव देरहासारनो हागोन। सावगारियाव गोबां न'फोर दड आरो गासिबो दर्जा आरो खिरखिल दड, नाथाय गंसे न'आव खिरखिल दड, दर्जा गैया। बे न'खौबो

10 सेकेन्डआव सिनायथिना दिहुन्नांगौ। नोंथानि मेगननि नोजोय गोखों आरो मेलेमआबो सांग्रांब्ला सेलेन्सखौ आजावना देरहानो हागोन। होखानाय सम बायदियै दर्जा गैये न'खौ सिनायथिना हायाखै ब्ला नोंथांनो मोनसे हिन्ट होनाय जायो आरो बेयो जादों-सावगारिनि आगदाथिं सेराव दड बै दर्जा गैये न'आ। बेनि उनावो जुदि नोंथाड सेलेन्सआव फेलें जाबायब्ला एबा 10 सेकेन्डआव फिन्नायखौ होनो हायासैब्ला गाहाइनि गुबुन मोनसे सावगारियाव बेंखनसिनजों बे न'खौ दिन्थिनाय जाबाय।

## जोमैआव उरायनानै थानाय सोरगोफुरि बायदि समाइना दरसे सहर



बुहुमआव गोबां समाइना आरो सोमोनांथाव जायगाफोर दड, जायखौ सोरगोजों रुजुनाय जायो। अदेबानि बुहुमआव थानाय गासैबो जायगा आरो सोमोनांथाव नुथायफोरनि बागै जों आबुडै मिबथि जोबा। बेबायदि बबेबा जायगानि बागै खोनायोब्ला फोथाइनो गोब्राब मोनो। बेनि सावगारि एबा भिडिअफोरखौ नुयोब्लाबो गनायना लानो गोब्राब जायो। मुलुगआव बयनिबो जौसिन

बिलिडं, सोमोनांथाव डिजाइनजों बानायनाय बिलिडं, दालां, गुबुन गुबुन न'ब्लांफोरखौ नुनो मोनो। बिबिदो मोनसे समाइना सहरनि भिडिअआ सशेल मिडियाआव भाइरेल जागासिनो दड, जायखौ नुनानै गोबां सुबुंफोरानो बे जायगाया बुहुमनि नंगौना नड होन्ना सन्देह खालामदों। खाइसेआ बे जायगाखौ बुहुमनि नड सोरगोफुरिनिसो होन्ना बुंदों। बुहुमआव नुनो मोननाय माखासे जर'खा, सोमोनांथाव जायगाफोरखौ सोरगोजों

सुबुंफोरा रुजुयो। दिनेनि लिखिबिदांआव मोनसे ओरैबायदि सहरनि बागै मिबथि होगोन जाय थारैनो सोरगोफुरि बायदि जोमैनि गेजेराव दड। बे सहरआ खोला इटलिआव दडआरो बे सहरआ जोबोर गोजौ बाहागोआव थानायनि जाहोनाव बेखौ जोमैआव थानाय सहर होन्नाबो बुंनाय जायो। जोमैनि गेजेराव थानाय बे सहरनि मुड जादों रतनडेला। बे सहरनि मिथिगायारि समाइनाजों मुलुगनि गुबुन मिथिगायारि समाइनाआ रुजु जाया। सशेल मिडियाआव गोसारनाय भिडिअआ रतनडेला सहरनि एरिएल सावगारिखौ दिन्थिदों। बेवहाय जैरेबो जोमैखौल' नुनो मोन्दों आरो लोगोसे सोमखोर हाजोखौ नुदों। जोमैनि गेजेराव थरसे बेसेबा गिदिर अन्थाइ सायाव थानाय बे सहरनि आबुं सावगारिखौ नुनो मोन्दों। रतनडेला सहरआ लैथोमा

बिखुंनिफ्राय 575 मिटर गोजौआव दडआरो बे सहरआ गावनि आलादा समाइनाजों बयनिबो गोसो बोनो हानायनि थाखाय मुंदांखा। रतनडेलाखौ आयनियन लैथोनि बेलक'नि होन्नाबो बुंनाय जायो। जोमैजों नांजाबहैनाय समाइना सहरनि भिडिअखौ एक्सआव शोयार खालामनाय जादों। बे सहरआ गावनि समाइना नुथाइनि थाखायल' नड, हरिमुवारि, दोरोडरि हरिमुनि थाखायबो मिबथिसारजायो। बेवहाय जारिमिनआरि गिर्जा न'दड आरो साबसिन हामसिन वास्तुकलाखौबो नुनो मोनो। बेवहाय जेब्लायबो समावो रेजा जोमै साग्लोबना थानायनि जाहोनाव सहरखौ जोमै सायाव उययल्लांन थानाय बायदि मोनो। रतनडेला सहरआव 2,550 सुबुंफोर थयो आरो बेयो गासै 76 बर्ग कि:मि: गुवार गोसारना दड।

# रंजालि गथ'फोरनि सौरा

## दौने लिमारिक

रोंनायखौ फोरों रोडैखौ सोलों धुनलाइनि रोसि बिदे बिदेखौ लों हारिनि सिनायथिखौ गोगोमे लाखिनो राव - हांखोजों लिरनानै नांगौ दोननो गावनि राव हांखो गैयाबोला आथिं सिडव थानो सोलों।

रोंनायफोरा फोरोंदों - रोडैफोरा बासोगारदों आसि थुनानै होयाब्लाबो आंखौ बुडखे सानगोन नों इयुनखौ साननानै खुगा सिब्लाबो दाय दा:खौ साननानै सिरि थाब्लाबो अइनाय बिनिखायनोथ' खाइफाया फोरोडलासे हने सिरि थादों।

गलाप खुंगुर बसुमतारि बसगाव, कक्राझार

## गोर्बो सिनि जारिमिन

बिरगोदाउ

निजोम खोमसि मोनाबिलियाव दिदोमै जिरायना दं आं हारिसेंडे रावबो गैया देरायाव आंनि खामसालियाव।

आय' हाबाव।  
मा सममोन बेयो?  
मानिफ्राय मा जालांखो?  
गोसोआव जाखांफैयो आंहा  
बै समनि जाथायफोरखौ-  
गावनाय, खालि गावनाय आरो गावनाय।  
सोरबा बिमाया गावदों फिसानि थाखाय होदाउरि होदादरि आयलि-जायलि।  
बिखा गेजेरिफ्राय सिखनालांन-  
दाय गैया फोदो गैया,  
सिथारहैदों बबेबा खनायाव।  
सोरबाया गावदों गावनि आंगोनि गोमानायाव। बर'नि गामियाव अर जोंदों अखां जोंब्लाउनाय ब्लाउ ब्लाउ,  
माय, द', जि-जोम सना-रुफा,  
न'खरनि गासैबो आंगो-  
खामनानै सेवहांगार जालांबाय।  
हाथपला जालांबाय।  
गासैनिबो मेगनाव मोदै र'र'  
रावबो गैया आय होन्नाय।  
बबाव थागोन, माखौ जागोन।  
माखौ जोमगोन, जेनिबो अदिस गैया।  
खालि गावनाय आरो गावनायाल'  
बर' मानसिनि महर नुब्लानो गोसोआव गिनाय।  
बर'आनो बर'खौ गिनांनय।  
गावजों गावनो एना-एनि जानाय  
बेनि जानायखौ बे नायनो हाया  
बैनि जानायखौ बे नायनो हाया  
माबोरै बावनो हानो  
बे जारिमिनखौ-आंनि गोर्बो सिनि।  
बवे जारिमिनआव लिरगोन आं बे जारिमिनखौ।  
लिराब्ला गोमालांगोन,  
लिरोब्लाबो नार्यफिन जानाय नड  
बर' माहारिजोंसो इ

## आंनो उदांसि नांगौ

आं अरायबो उदां जानो लुबैयो हासियैनो गेलेबाय थानो जेब्लाबो फैलाव गामि गिदि गिदि गिदिनांनि आंनि ओलैप्रो देहा मेडोब्ला जेराव साया नुयो, आं बैयाव जिरायगोन, जेराव गोजोन मोनो, आं बेयावसो थागोन बेखायनो हेंथा दाखालाम रावबो आंनि दावबायारि जिउ लामायाव जाफुनो हो आंनो, आंनि जिउनि थांखि गोजोन मोनगोन आं गोसोयाव थुलुंगा खांगोन दान्दिसेनि जिउआव मानोना आं जानो लुबैयो एन्टि वर्ल्डसब आरो गोबां गेदेमा खन्थायगिरिफोर बायदि मुलुग दांखा जानानै थानो बे थांखियाव आं फेलेंखौ गनाया आं बेसिम सौहैगोन आरो सौहैथारगोन बेखायनो आंनो उदांसिनि गोनांथि।

बिरखां नार्जारी आवगारगुरि ( खेंखाइ )

## होआदा

अन्नायखो नाजाव मोजां मोनबाय

सोंथि सोंयोब्ला मानो मोनखो

बेनि फिन्नाया गुमुर् गैया

मानोना जोबनाय गैयि थार

मोजां मोनो अन्नायखो होआदा?

सबिराम बर' राबां, बागसा

## थानाय थाखायनो

जों मानसिआ सुखुखौ मानि थाखाय नागिरो बेनो जाहैबाय दुखु थानाय थाखायनो

रैदोम बर', बाक्सा

## गोमालांनय आब'नि जिउमा

नों आब' बहा थांखो?  
आंखौ गारनानै बे बुहुमनिफ्राय बावनो हायाखै आब' आं नोंनि आंखौ अन्नायखौ।  
हाया बावनो आं बै समनि जों गेलेनाय बै समायना बेसर बारियाव थाखुमा लाइनाय गेलेनायखौ।  
नुफा-माफा नुयो आब'  
नोंनि फुडव मेथाय रोजाब-रोजाब सिद्ला सिबनायखौ नाथाय नों बै गुफुर खुवाजोंनो गोमालाडो।  
नों जेराव दं बहायनो लांफादो आब' आंखौबो नोंजों लोगोसे अरायनि थाखाय दुखु दोनलांबाय नों आब'नि जिउमाया आंखौ।

नबेल ब्रह्म धावलिगुरि

## जिउ नों सिमांफुरि

गोदो उन्दुलांनय आंनि जिउआ मोजोमसे गोमोथाव सिमां नुदों।  
इसेबां सोमथाव बे सिमांफुरि।  
जेथोजों बुंनाय बे सिमांफुरियाव, भावथिना बादि गेलेदों सुखुड।  
गोमोथाव बे सिमांफुरियाव हायनारि मिथिगा सिख्लानि महयाव आं आन्दायबाय।  
मोकथां मुलुगयाव गिदिफिन्ने आं गिबाय।  
नाथाय। गसाइनि माया जेजों बेंजानाय बे सिमांफुरियाव हाया रजे आं आंनि लुबैनाय बादि थानो।

दाहाल कुंगुर बसुमतारि जिल्ला- कक्राझार बिटिसि

## गलाप बिबार

सु गेजेराव बारना थानाय नों बारसे समायना गलाप बिबार।  
खानो सानो नाथाय आखाइयाव सु हाबो।  
मा एसेबां समायना नोंनि महरालाइ।  
नोंनि महरालाइ।  
नाइब्ला नायबाय थाथाव खानोबो अनथाव-बाथाव।  
हायनानि रानी नों समायना गलाप बिबार।  
बेरे-सिखिफोरखौ खालाम बायदों नों।  
बे मुलुगयाव गोदाव-सोराव।

बिनाराम अवारी कक्राझार बिटिसि ( आसाम )

## दुखुआनो आंनि जिउ

दुखुआनो आंनि जिउ बे उजिगासे संसाराव नाथाय गैया बे संसाराव रावबो सुखुयै।  
सानदोंमोन आं बे बुहुमाव आंल' हारिसेंडे दुखुथिया नाथाय आं मोनथिबाय बे बुहुमाव गोबां हानो दं जाय दुखु।  
आं सानो इसोरा आंनि सायाव मानो इसेग्राब दुखु होनो मोजां मोनो।  
आं मिन्थिसया बे इसोरनि माया गेले होनायखौ सानब्लोब मोनहास'या।  
नाथाय आंखौ सोर असे गोजोन होग्रा दं बे बुहुमाव बेनो जाय आंनि अनजालि अनमोन आंखौ जाय अनजालिआ गावनि गोसो गोर्बोजों मिनिम्रां मिनिनानै।

मुक्ति जेक्सन नार्जारी बेद्लांमारि

## गोदान मुगानि बर' फरायसा

जोंलाय गोदान मुगानि बर' फरायसा हान्जा, हारिखौ जौगाहोनो थाखाय आंखारगोन जों? रावजोंबो फार नाड, रावजोंबो हेंथा जाया, जोंहाबो मिजि दं हारिखौ लानानै इयुनाव सासे

## सायखलं! नोंसो थार लोगो

फागुननि दुफां बोथोरा फैबाय सान सानजौफुबो जाबाय गोदाव-सोराव मोनबाय गोथार बुब्लियाबो बिलितबाय दिने लोगो गैया जाबाय आंनि सोलेरखौ एखुथिया मोनबाय समाव आं सायखलंखौ लोगो लाबाय सायखलं! नोंसो थार लोगो जिउनि जुलि संनाहयाव दाबोरसे रजेनि मेंनायाव गोसोनि खाराव-मारावयाव आंनि बुनो सानायाव रावबो गैया सुबुं जायगायाव दडल' सायखलं खाथियाव एखुथियानि लोगो जाथाव सायखलं! नोंसो थार लोगो गोसोया फोरमायनो लुबैबाय अनल्जायनायनि राव गोसो खांबाय गोबारे आं लेंखाव हरबाय सुबुंफोराबो अबोला फारा फारि थांबाय थिलिया दान्दिसे सिंस' जाबाय आंनो गावखौनो हारिसें मोनबाय अब्ला सायखलंखौ लोगो मोनबाय सायखलं! नोंसो थार लोगो।

मुनिन्द्र बसुमतारि गामि- फारिखुरि ( अग्रं )

माहारि सिबियारि जानो, जोंबो जानो लुबैयो बड'लेन्डनि सासे राफोद मावथि फरायसा।  
मावलांगोन जों गावनि बर' हारिनि हाबा। आगान दोनलांगोन गावनि मुंखौ खालामा जों मालायखौ अनगार खालामागोन जों जॉनि हारिखौ जौगासार।

धरायना पृथिवि ब्रह्म गामि- गामबागि बिल



# मानासा माहारियारि पार्कआव गोलोम बोथोरनि बिगियान फोरेंथाय, बिजिरथाय आरो मिथिंगायारि बादा खुंदें

बहानिपुर, 16 जुलाई: भारत जन बिगियान यात्रा (आसाम) आरो माहारियारि गथ'सा बिगियान गौमा, बाक्सा जिल्लानि बाञ्जायनायाव, सालबारि महकुमा खौरंगिरि आफ्दानि हेफाजाबाव वल्ड हेरिटेज साइट मानस माहारियारि पार्कयाव सानै नाडे हाबाफारिजों खुंनया गोलोम बोथोरनि बिगियान सोलेंथाय, बिजिरथाय आरो मिथिंगायारि थारसरिनि सायाव खुंनया बादाया दिनें थुंगेबाय। मानस माहारियारि पार्कनि गाहाइ हाख्या गेटनि सालबारि महकुमानि सिखव थानाय बासवारिनि प्तरिकाम कटेजयाव मैयानिक्राय सानैनि



हाबाफारिजों फरयसाफोरखों नोजेर होनायें खुंनया बिगियान सोलेंथाय, बिजिरथाय आरो मिथिंगायारि बादाया खुंजादें। फरयसाफोरखों खोमसि ओन्सोलनि सोलेंथाय फरसंथाननि लाबोनाने बिगियानारि थारसरियाव लाबोनानयनि अनगायैबो बिगियानखों मोजं मोनहोनानयनि थॉखि लानाने बे बादाखों खुंनया जादें। आसामनि माखासे जिल्लानि गुबुन गुबुन ओन्सोलनि सोलेंथाय फरसंथाननि 10 बोसोरिनफ्राय 17 बोसोरि बैसोनि

सा 50 निखुइ बांसिन फरयसाफोर बाहागो लाफेनाय बादायाव बिगियाननि खामानि, जादुनि गेजेराव बिगियान, मिथिंगायारि आरिमु, हाग्रानि जुनात आरो मिथिंगा, दाव सरैखाथिनाय आरो नायसंनया, आबहावा नायबिजिरनाय, हाग्रानि जुनात रेखाथि आरो सुबु, टेलिस्कफनि हेफाजाबाव हरनि समाव अर्खामाखों नायसंनया, साहस गोनां गेलेमु बायदि आयदानि सायाव फरयसाफोरनो बे बादायाव बिजिरथाय एबा सोलेंथाय होनाय जायो। मख'नो गोनांदि, बिगियानगिरि आरो दाव नायसंगिरि

ऊ जयदिप मन्डल, भारत जन बिगियान यात्रा, आसामनि नेहाथारि ऊ मनज कु मार पाठवारि, माहारियारि गथ'सा बिगियान गौमानि कामरुप जिल्लानि क-अर्डिनेटर आलताप हुसेइन खन्दकार, आबहावा बिगियान संदानगिरि अनिरुद्ध शर्मा, भारत जन बिगियान यात्रा-आसामनि आफ्दारि नेहाथि हितेश मेधी, दावबायारि जुलिमा डेका, माहारियारि गथ'सा बिगियान गौमानि बाक्सा जिल्लानि क-अर्डिनेटर आलकास आलिमोनहा बादायाव बाहागो लानाने फरयसाफोरनो थॉखिजानाय अयदानि सायाव फोरेंथाय होयो

# बिगियानगिरिफोरा अखाफोराव मोनसे गोदान दन्दर सं मोन्नायनि खौरां होदें

केप केनावेल, 16 जुलाई: अखाफोरनि दन्दरफोर इयुनाव अर्खामा दावबायारिफोरनि मिरु जानो हागो। बिगियानगिरिफोरा अखाफोराव मोनसे दन्दर मोन्नायनि खौरां होदें। बे दन्दर अखाफोराव थानाय बे जायगानिक्राय बारा गोजान नड, जेराव 55 बोसोर सिगांनि' आर्मस्ट्रेंड आरो बज एल्डिसनआ मुन वाक खालामदोमोन। बिगियानगिरिफोरनि बायदिव्ला, अखाफोराव आरोबाव गोबां दन्दरफोर थाबानो हागो, जेराव इयुनाव अर्खामा दावबायारिफोर आसय लानो हागो। आर्मस्ट्रेंड आरो एल्डिसनआ थानाय 1969 नि 20 जुलाईआव अखाफोराव बागलायदोमोन। इतावली बिगियानगिरिफोरनि दैदनायाव मोनसे टीमआ समबाखालि फोरमायोदि, अखाफोराव बयनिखुइ गोथोसिन हाखजों मोनसे गिरिदर-दन्दरसिम सौहेनानयि लामा मोनबाय। बेयो अपल 11 नि लेटिन्ड खालामनाय

जायगानिक्राय 250 माइल (400 किल'मिटर) जान्थाइनि सि अफ ट्रैवलिटि' आव दडा ट्रैवलिटिस हाखर अखाफोराव थानाय बयनिखुइ गोथोसिन हाखर। बे हाखर बेयाव नागिरना मोन्नाय मोन 200 निखुइ बांसिन गुबुन हाखरफोर बायदि मोनसे लाभा व्यु बायग्रबनायजों जादेंमोन। संदानगिरिफोरा नासानि लुनार रिक्ानिसेन्स आबिटरनि गेजेरजों रडार सुनायफोरखों नायबिजिरदें आरो बुहुमाव लाभा ट्युबफोरजों लोमोसे फिथाइफोरखों रजुदें। रेखों 'ने चार एस्ट्रुनमि' लाइसियाव फोसावदें। बिगियानगिरिफोरनि बायदिव्ला बे दन्दर खमैन्लाबो 40 मिटर गुवार। बेबायदि जायगाफोरा अर्खामा दावबायारिफोरनि थाखाय मिथिंगायारि आसय लागा महेर खामानियाव होनो हागो, जाय बिसेरनि जिउखों गोब्राव थारसरिफोरव रेखा खालामगोन।

(□ 1 बिलाइनिफ्राय)

## कक्राझारआव एसिएएस बिबानगिरिफोरनि दानसेनि खुंथाइआरि फोरेंथाइ हाबाफारिखों बेखेवबाय

ओन्सोलनि खुंथाइआरि राहानि आइन खाथिजों लोमोसे बर' आरो मिचिं रवनि सायाव फोरेंथाइ होनाय जायो। खुंथाइआरि बिबानगिरिफोरनि फोरेंथाइनि बेखेवजेनया हाबाफारियाव बाहागो लानाने बिटिसिनि बुंथिगिरि कातिराम बर'आ खौरां बिजोंनि सिगाडव बड'लेन्डनि थागिबिफोरनि थाखाय दिनेनि सानखों जारिमिनआरि सान होना फोरमायनाने 2020 माइथायनि 27 जानुवारीआव सागान खालामजानाय बिटिआर गोरोबथानि बे दफाफोरखों उन संनाने बिटिसिनि गाहाइ मावफुं सोद्रोमा प्रमद बर'नि नाजानायाव दिने मोगंथां महर मोनबाय होना फोरमायदें। बुंथिगिरिआ बिटिआर गोरोबथानि उनाव बड'लेन्डआव गोजोनआ गायसनजाबाय होना मख'नाने थानाय 2023 माइथायाव मेट्रिक आन्जादआव चिचं जिल्लाआ आसामनि गेजेरावनो गिबिसिन आरो गोजौसिन गेजेरायनि जोबथा आन्जादनि आरिमु जालिया आयदायाव बाक्सा जिल्ला आरो गोदाने दाफुंजानाय तामुलपुर जिल्लाआ बिगियान आयदायाव गिबि मासि आवग्रिनो हानाया मख'जाथाव। सा 82 एसिएएस बिबानगिरिफोरनि गेजेराव बिटिआर ओन्सोलनिफ्राय सा 3 दड। बेनिनो सासेआ बड'फा सुपार-50 मिसनआव जाफुंसरानाय एसिएएस बिबानगिरिआ बाहागो लादें।

## जेएमसिएएसआव मोन 65 फाहामगिरिफोर आरो मोन 107 स्टाफ नार्सनि मासिआ लांदां ...

हेफाजाबगिरि फोरेंगिरिनि मासिआ उदां जानाने दड। गुबुन फार्सेथिं साखिनिफ्राय बिबान एंगारनाय सा 12 फाहामगिरिफोरनि मासिआबो फाहामथाइ फरयसालिमायाव लांदां जानाने दड। जेएमसिएएसआव आइजो बेरमिफोरनि बेखनाव सासे फोरेंगिरि, सासे हेफाजाबगिरि फोरेंगिरि आरो सासे रेंजिस्ट्रारनि मासिआ लांदां जानाने दड। मेडिसिन बिफानआव मोनसे हेफाजाबगिरि फोरेंगिरि आरो सा 3 रेंजिस्ट्रारनि मासिजों लोमोसे साब्रे फाहामगिरिनि मासिआबो लांदां जानाने दड। पालमनेरि मेडिसिन बिफानआव सा 5 फाहामगिरिफोरनि मोनब्रे मासिआनो लांदां जानाने दड। साजोरि बिफानआव मोनने हेफाजाबगिरि फोरेंगिरिनि मासिआ लांदां जानाने दड। बेगें-हार फाहामथाइ बिफानआव सा 3 रेंजिस्ट्रारनि मासिआ लांदां जानाने दड। आरो गोनांथार बिफान महेर मिबथिजानाय एनेरिस्ट्यान बिफानआव मोन 3 हेफाजाबगिरि फोरेंगिरि आरो मोनने रेंजिस्ट्रारनि मासिजों लोमोसे गासै सा 5 फाहामगिरिफोरनि मासिआ लांदां जानाने दड। आथिखालाव गोबां बिबांनि खामानिनि नारसिनथाइ मोनगा परेन्चक बिफानआव मोन 3 रेंजिस्ट्रारनि मासि लांदां जानाने दड। माइक्र बाय'लजि बिफानआव मोनने डेममस्ट्रेक्टर मासिआ लांदां जानाने दड। बाय' केमिस्ट्रि बिफानआव सासे हेफाजाबगिरि फोरेंगिरि आरो साब्रे रेंजिस्ट्रारनि मासिजों लोमोसे गासै सा 5 फाहामगिरिफोरनि मासिआ लांदां जानाने दड। बेबायदिनो एनाटमिक, पिजिय लजि आरो पार्माकल'जि बिफानआव फारिये सा 3 आरो सानैये डेमनस्ट्रेक्टरनि मासिआ लांदां जानाने दड। मेगन बिफानआव मोनसे फोरेंगिरिनि मासिआ लांदां जानाने दड। जायनि जाहोनाव राइज्योनि गेजेराव गोबां बाश्ना सावरयसोलोयानायखों नुनो मोन्दें। जरहाट फाहामथाइ फरयसालिमा देहाल फाहामसालिनिफ्राय थानाय 4 बोसोराव गोबां फाहामगिरिफोरनो साखिनिफ्राय बिबान एंगारदोमोन। जेएमसिएएसआव 2020 माइथायनिफ्राय सा 6 हेफाजाबगिरि फोरेंगिरि आरो सा 7 रेंजिस्ट्रार एबा डेमनस्ट्रेक्टरआ साखिनिफ्राय बिबान एंगारदोमोन। गुबुन फार्सेथिं 2020 माइथायनिफ्राय दिनेसिमाव जेएमसिएएसनि साने फोरेंगिरि आरो सासे हेफाजाबगिरि फोरेंगिरिआ भलन्ट्यार रिटयार लादें। रेखों लानाने जरहाट फाहामथाइ फरयसालिमा देहा फाहामसालिनिफ्राय थानाय ब्रे बोसोरव सा 16 फाहामगिरिफोर जायखारलांदें। बेनिनो गोबां फाहामगिरिफोरनि बिबान एंगारनाय लाइजामखों सरकारआ नाजावाखे, जायनि थाखाय लांदां जानाने थानाय मासिफोरव गोदान थिसस्थाय होनो हायाखे। गुबुन फार्सेथिं जेएमसिएएसनि निउड' साजोरि बिफाननि साने गागि फाहामगिरिफोर लेखा बिलाइआवल' जरहाटआव दड। बिसेर साने फाहामगिरिआ गुवाहाटीआवसो बिबान सामलायगासिनो दड। बेबायदिनो कार्डिय लजि बिफाननि साने गागि फाहामगिरि एएमसि आरो एसएमसिआवसो सिबिथाइ होगासिनो दड। फाहामथाइ फरयसालिमायाव गोबां बिबांनि फाहामगिरिनि मासि लांदां जानायाव आथिखालाव बिबान सामलायनाय फाहामगिरिफोरनि सायाव खामानिनि नारसिनथायाव गोबां बिबांनि बांलोनो हमदें। सा 107 स्टाफ नार्सनि मासिआ लांदां जानाने थानायनि थाखाय फाहामसालिमायाव गोबां जेना सौजिदें। आथिखालनि सावस्त्रि बिफानखों बिबान लानाय गिबि मन्थि ऊ हिमन्त बिश्व शर्माआ बे बिथिडव थावैनो गोखों रहा लानो थाखाय राइजोफोर गुरैये खावलायदें।

## गान्धिवारि गोजौसिन गेजेरारि फरयसालिनि गोरायुं पबित्र कुमार ब्रह्मआ रुंसारि जालांवाय

फरयसाफोरा बे फरयसालिमायाव सोलेंथाय लानो फेदेंमोन। बे फरयसालिमायाव सोलेंथाय लाफेनाय फरयसाफोरा दिनें मुलुगनाडेनो गाव-गावनि रेंगोथिखों दिन्थिफुनो हादें। मोनसे समाव बे फरयसालिमायाव कटन फरयसालिमानि मुंदांखा बिबुंगिरि ऊ पनिपुषन राय, हारियारि सानगा सुबुं यादव नारयन दास, कालिन्ड नाथ, ऊ आबु इड्युफ खायजाम, साबेर आलि शेकमोजों माखासे गियान गोनां सुबुंफेर गोरयुं महेर गाव-गावसेरनि सामलायथाय नोजेरजों फरयसालिमाखों सिगां लांहेंदोमोन। सोलेंथायारि रेंगोथिजों फरयसालिमाखों आसामनि गुण गोनां बिथिडव जर'खा गोहोमथि फेहेरनो हादेंमोन। बे फरयसालिमायाव भातरवर्षनि जुनान गुबुन ओन्सोलनि जर'खा सुबुंफेर बिबुंगिरि महेर खामानि मावफेनाने सिबिथाय होलांदें। मुंदांखा थुनलाइगिरि, बिगियानगिरि ऊ लक्ष्मी नन्दन बर, हरिमायारि मुंदांखा जारिमिनगिरि प्रताप चौधुरी, संस्कृत पन्डित निकीलेख पुकाइट, उत्तम भक्ताचार्य, फिजिक्सनि बिगियानगिरि ऊ कृष्ण गपाल शर्मा, ऊ बारिन शर्मा, सानखाथि शस्त्रनि पन्डित महाम्मद आलि, हबिबुर रहमान, बतानि बिगियाननि देबेन शर्मा, ऊ नारयण बरवा, इरंजनि मानिकलाल मुखार्जी, उमा मुखार्जी, जारिमिन बिफाननि दिपांकर बेनार्जी, असमीया बिफाननि भगारि राय चौधुरी, ऊ अनिमा बरवा, उडब कलिता, राजखाथि बिगियान आयदानि थिरेन्द्रनाथ गस्वामि, बसिखदित आहमेद, जिब बिगियाननि एन.के. बसुमत्तरिफोरनो लोमोसे माखासे पन्डित, बिबुंगिरिफोरा गाव-गावनि रेंगोथिफोरजों फोरेंथाय होनाने फरयसालिमाखों जौगाखांहोलांदेंमोन। मख'नो गोनांदि, फरयसालिमानि गोरायुं मासियाव रसाइन बिगियान बिफाननि बिबुंगिरि ऊ ध्रुव चक्रवर्तीआ बायदि जेना-जेसिन गेजेरजों फरयसालिमाखों जर'खाये दाफुंनो थाखाय थॉखि आजावयो। फरयसालिमानि गासै थारसरिखों जौगाखां होनायजों लोमोसे सोलेंथायारि दावबायनायखों गोखे जौगाखां होनायाव गोरायुं ऊ ध्रुव चक्रवर्तीआ बांसिनथारै गोनांथि होनाने नाकनि ए प्लास मान मोनो हाबाय। बेनि उनानो बिथानि दैदनायाव फरयसालिमानो अटनमास कलेज महेर सौजिनानयनि सान्थौजों मुलुगसोलेंसालि अस्तुंथाय आयगनि गासै बिथिंखों आबु खालामनाय सोनाब आसामनि गंसेल' अटनमास कलेज महेर मुलुगसोलेंसालि अस्तुंथाय आयग (इउजिफि) निफ्राय 10 बोसोरनि थाखाय बिमुं होनाने ओन्सोलयाव जर'खा मान लाबोदें। बे आयदायाव आसाम साहित्य सभानि गाहाइ नेहाथारि आरो फरयसालिमानि असमीया बिफाननि गाहाइ बिबुंगिरि ऊ उपेन्द्रजित शर्माआ फरयसालिमानि गोरायुं ऊ ध्रुव चक्रवर्तीजों लोमोसे साप्रमेबो बिबुंगिरि, मावफारिनिमि हामलायथि बावनाने बुंदेंदि, बेयो रल्पित ओन्सोलनि थाखाय मिजिथिखों लाबोदें।

(□ 1 बिलाइनिफ्राय)

## एमपि गौरभ गगैआ बेरेखा हान्जानि लेडाइ दैदेनगिरि ...

जुनिययै मान बावनाय जागोन। राइज्यो कंग्रेस कमिटीनि आफ्दागिरि भुपेन कुमार बराआ बुंदेंदि जरहाट लकसभा बियाबनि एमपि गौरभ गगैखों संसदारि आफ्दानि आफ्दागिरि सनिया गान्धीआ लेडाइ दैदेनगिरि सायख'नायाव गोगाखांदें आरो गौरभ गगैखों रजिब भवनआव दुंदुदयै बरयनाय जादें।

## हिमन्त बिस्व शर्माया सावस्त्रि बिफाननि बिबान लानायनि ...

देहा फाहामसालिनि सा 13 देहा फाहामगिरिफोरा बिबान एंगारबाय लोमोसे डिगुगुडनि आसाम मेडिकेल कलेज आरो देहा फाहामसालिनि सा 11 देहा फाहामगिरिफोरा बिबान एंगारबाय। बे बायदिनो सिलचर, नलबारि, कक्राझार आरो डिफु मेडिकेल कलेज आरो देहा फाहामसालियावबो गोबां देहा फाहामगिरिफोरा बिबान एंगारदें। मिथिनो मोन्नाय बादिब्ला, माखासे देहा फाहामगिरिफोरनि बिबान एंगारनाय लाइखों बिफाना दासिमबो गनयना लायाखे। सुलुनि बायदिव्ला, जिएमसिएएस आरो एएमसिएएसआव सासेयै बिबान एंगारनाय लाइखों आजावनाय जादें। आसामआव थानाय बा बोसोराव गासै सा 174 देहा फाहामगिरिफोरा सरकारि साखिखों एंगारबाय। सुलुनि बायदिव्ला, बे बिबान एंगारनारयनि युवे जाहोना जादें बाडय दानबाश्ना आरो सावस्त्रि सिबिथायनि गात्रि खाबुफोरजों लोमोसे सरखारि देहा फाहामसालिफोराव खामानिनि नारसिस्थाय। लोमोसे देहा फाहामगिरिफोरनि सायाव सरकारनि गोखों बिथोनफोरा बिसेरनि थाखाय गोजोन गैये होनाने दाबि खालामदें।

## आसाम मेडिकेल कलेजआव ...

मिउजियामखों सिगांनि थारसरियाव मोनफिन्नाने रंजराखो। पेट'लजि बिफाननि प्रफेसार आरो गाहाइ ऊ आदित्य शर्माआ दैदनाय मिउजियामनि फार्से गोजोनया फोरमायनाने बेनि गेजेरजों फरयसुला-फरयसुलिफोरा गोबां मुलामफा जागोन होना फोरमायो। पेट'लजि मिउजियामआव 1991 माइथायनिफ्राय बुधुमनाय 1,500 निफ्रायबो बांसिन बिदित्थिफोर दड। बेनि गेजेरजों आथिखाल आरो इयुनिनि फाहामथाइ हारिमु फोरेंगिरिफोर सोद्रोमा आरो फरयसुला-फरयसुलिफोरनि मोनसे सोलेंथाइआरि सम्पद जानाने थागोन। बे मिउजियामखों हेरिटेज कन्जर्भेसन ससाइटि अफ आसामआ जारिमिनआरि मिरु महेर फोसावबाय होना ऊ शर्माआ फोरमायदें। बेखेवनाय बिथॉखिनि फार्से उदां आखायजों दान खालामनाय 3,65,650 एबा 1964 माइथायनि फरयसुला-फरयसुलिफोरनि नाजानायखों बाखायनायजों लोमोसे बिसेरनि हेफाजाबगिरि लोमोसे गावआरि बारा' फरयसा-फरयसुलिफोर आरो फरयसालिमानि अबदानजोंबो लुफुंजानाय मिउजियामनि सिगांखों मोगंथांआव महर होनायाव हेफाजाब खालामदें होना फोरमायदें। ऊ निता गुलानि डिजाइन आरो ब्रिटिस गायसनजेनानयनिफ्रायनो थुलुगांखों गोनां बे मिउजियामखों मिहि दंफानि सिनि बाहागो, गोजौ सिंनि आरो गिरक मोदाइ एस्क'लपियाजनि मुटिजों लोमोसे सिंनिआरि मिरु मुवा-बेसादफोरखोंबो दिन्थिफुनाय जादें। सरसनस्त्रयै दिनें गोदान महरआव साजायनाने सुबुं समाजनि थाखाय बेखेवनाय बे मिउजियामआ इयुन जोलेनि थाखाय मोनसे माहल खुन्थिया जानाने थागोन।

## गान्धिवारि गोजौसिन गेजेरारि ...

बिबानखों आजावना खामानि मावबोदेंमोन। बेजों लोमोसेनो बिथाड तामुलपुराव थानाय बारदे सिख्ला गेजेर फरयसालिनिबो गायसगिबि नेहाथारिनि बिबान रुजुदेंमोन। दिनें ब्रह्म धोरामनि नेम-खाथि बादियै बिथॉखों जोबथा बिदाय होनाय जायो।

## नगाव पुलिसआ हाथियारजों ...

सुलुखों बिथा खालामनाने नायबिजिरसंनयाव हडबाराव पुलिस आउट पर्टनि मोनसे हान्ज्या नगाव सहरनि साखाथिनि भक्तआव नायबिजिरसंनाने जाफुंसरानो हायो। पुलिसआ बेनि सोमोन्दे मुखुट, आबु साहिद आरो सिदिक आलि मुंनि सा 3 आइन बेरेखा हाथियार दैथायग्राफोरखों हमनो हायो। पुलिसआ बांसिन रेखों दिहनुनो थाखाय सा 3 खौबो जेर खालामगासिनो दड। मिबथिनो मोन्नाय बायदिव्ला, हिरामुनि सासे दैथायगिरिआ खारग'लानो हादें। खारखुमालांग्रखों पुलिसआ नायगिरिसिनो दड। पुलिसआ बे दुथं हाथियार फालागिरिफोरनिफ्राय 7.65 एमएम पिस्ल आर ग 4 गोथों गुलि बोखानो हादें।

## सालाकाति दखरा एबसुआ ...

बे हाबाफारियाव बाहागो लायो। बे हाबाफारियाव सालाकाति दखरा एबसुनि आफ्दागिरि दनेन नाजारी, गाहाइ नेहाथारि जांगिला बसुमत्तारि, दखरा आफ्दानिनो गुबुन गुबुन फरयसालिमान थानाय मावफारिया आरो नादांगरि दालाइसा, सामपुर दालाइसा दुलाराइ बर' फरायसा आफ्दानि बिबानगिरिफोराबो बाहागो लायो। सालाकाति दखरानि सिडव थानाय गुबुन गुबुन गामिनि जोलुर गेलेनो मोजां मोनगा उन्दे-उन्दे होवासा आरो हिन्जवसाफोरा 15 साननि हाबाफारिजों खुंनया गोलोम बोथोरनि जोलुर फोरेंथाइ होनाय मावबादायाव मैखोमै बाहागो लायो।

(□ 1 बिलाइनिफ्राय)

## थार बेसेननि दिलारफोरनि थाखाय मिरु ...

33,000 दिलारफोर 2026 माइथायनि बिधान सभा बिसायख'थिआव गोखों फिन्नाय होगोन होना हुमरिख होदेंमोन। बे थारसरिनि गेजेरावनो मिरु सरकारआ दिलारफोरनो 272 कौटि 14 लाख रंखों गथयानाने हरबाय। राइज्योनि जागय बिफाननि मन्थि रन्जित कुमार दासआ एक्सआव बेनि सोमोन्दे फोरमायनायखों नुनो मोन्दें। मन्थिआ फोरमायनाय बायदिव्ला, दिलारफोरनि कमिशननि थाखाय 180 कौटि आरो रोगाथाइनि खरसानि मुडव 91.63 कौटि रं गनयथि होयो। मख'नो गोनांदि, थार बेसेननि दिलारफोर खुद्रिसारनाय थानाय बाहागो महेर समबार्निक्राय गुवाहाटीनि चसलआव 3 साननि हाबाफारिजों मोनसे गेदेर उध्रिसारनाय हाबाफारि सामलायदेंमोन। आफ्दाआ गासै मोन 11 दफानि दाबिफोरखों फोसावदेंमोन। बेनि गेजेराव 2015 माइथायनि डिसेम्बर दाननिफ्राय 2019 माइथायनि मार्च दानसिम गासै 4 दाननि मावनाय समनि मोन्नांगो 232 कौटि रंखों गथयानाने हरनाय, सोलिफु बोसोरनि फेबुवारि दाननिफ्राय जुलाई दानसिम 6 दाननि मोन्नांगो कमिशनखों गथायनो, कुइन्टेलफ्रोमबो माइरनि कमिशननि रंखों 300 रॉरिम बांहोनया, दान मोनफ्रोमबो 30,000 रं दान बाश्ना महेर होनायखों रेखा खालामनाय बायदि बायदि। दिलारफोरनि बे 3 साननि खुद्रिसारनायनि गेजेरावनो दिना मिरु सरकार दिलारफोरनि मोन्नांगो रंखों गथयानाने हरनाय सरसनस्त्रयै दिलारफोरखों जोबोद खुसि खालामदें।

## बेटलआव सि आर पि एफनि बाञ्जायनायाव ...

बेटेलयननि जि-कम्पानोनि बाञ्जायनायाव बेटल ओन्सोलाव दिनेनिफ्राय बिफां फुलि गायनाय हाबाफारि जागयजेनयाखों नुनो मोन्दें। मंगलबार फुडव 156 बेटेलयन जि-कम्पानोनि कामानि अफिसार अनिल कुमारआ ओन्सोलनि दैदेनगिरिफोर आरो फोरेंगिरिफोरनि नुजाथिनायाव गिबिवायनो बेटल एमथि स्कुलनि लांगोथयाव बिफां फुलि गायजेनया जायो। बेनि उनाव बेटल सावस्त्रि मिरुआवबो बिफां फुलि गायनाय जायो। दिनेनि बे बिफां फुलि गायनाय हाबाफारिनि सोमोन्दे कामानि अफिसार अनिल कुमारआ चिचं जिल्लाआव थिसनजानाय सिआरपिएफनि 156 बेटेलयनखों सोलिफु बोसोरव 13,000 बिफां फुलि गायनायनि थॉखि लानाने बिथॉखि नाजावदेंमोन आरो बेनिखयनो 2024 माइथायनि थाखाय 156 बेटेलयननि जि-कम्पानोनी 2,400 बिफां फुलि गायनायनि थॉखि खालामनाने होनाय जादेंमोन। दिनेनिफ्राय बेटल ओन्सोलाव सिआरपिएफनिफ्राय बिफां फुलि गायनाय हाबाफारिजों जागायजेनया जाबाय होना फोरमायनाने एसेल' समनि गेजेरावनो थिनाने होनाय थॉखियाव सौहेनोन होना मिबथि होदें। आथिखालनि समाव आबहावा सोलायनाय आरो मुलुगनां दुंखावनाया बांनयनि थाखाय जौनि हदतआल' नड गासै मुलुगनाडेनो सुबुं माहारिजों लोमोसे जिब-जुनादफोरबो खहा जानांसािनो दड, जाय जौनि सुबुं माहारिनि थाखाय थानाने थानाया मोनसे जुजिनो गोनां थारसरि जानाने फेदें।

## सालबारि पुलिसआ सा 6 दाखाथि हमदें

साखा खबनें महन्डा गारियाव फेनाय दाखाथि हान्जाखों सालबारिनि सिमलानिफ्राय गासै 25 किल'मिटर गोजान होसोनाने पाठसालानि माहारियारि राजा लामानि सकआव सालबारि पुलिसआ बजालि पुलिसनि हेफाजाबाव गारिखों हमनो हायो। दासादि सालबारि महकुमा पुलिसनि आवथायाव थानाय सा 6 सोद्रोमानि दाखाथि हान्जानि गेजेराव साथाम दाखाथिफोर गवालपारा जिल्लानि, सानैया कामरुप जिल्ला आरो सासेया धुबुरि जिल्लानि थागिरि होनाने पुलिस बिबानगिरिआ फोरमायोब्लाबो नार्यबिजिरनायनि थाखाय दाखाथिफोरनि मुखों पुलिसआ फोरमायथि। हमनो हानाय दाखाथिफोरनि हेंथाये राइज्योनि माखासे जायगाफोराव दाखाथि खालामनायनि लोब्वजों गसर थिसनया दड' आरो दाखाथि खालामनाने गिखानाय थारसरि सोमजिहोदेंमोन होनानेबो पुलिस बिबानगिरिआ बुडो। पुलिसआ मिथिहोनाय बादिब्ला दाखाथिनि हान्जाखों जेर खालामनाया सोलिगासिनो आरो गुबुन हेफाजाबगिरि दाखाथिफोरखों संदाननयनि हाबाफारिया सोलिगासिनो दं।

## कुसाबारि जिएसबि बर' हाइ स्कुलआव ...

फरयसालिखों थॉखिदें। खौरं मोन्नाय बायदिव्ला, मैया मोनाबिलिआव कुसाबारिनि जिएसबि बर' हाइ स्कुलआव सिखावआ हाबनाने गोबां मुवा-बेसादफोर लानाने थाडे। फरयसालिनि थाखे खथायाव थानाय गं 18 फांखा, बेल, दै मटर, फरयसुला-फरयसुलिफोर गेलेगा मुवा-बेसादफोरखों सिखावआ खवनाने लांदें। मोनायाव थादनाय गैये जुब-जुब अहा हानायनि खाबु लानाने सिखावआ फरयसालिनि उनर्थिजयनिफ्राय हाबफेना दरजाखों सिमफायनाने मोनसेनि उनाव मोनसे दरजाजों हाबलाना गासैबो फांखाफोरखों लानाने थांजोबो। फरयसालि सामलायगिरिआ बे सिखाव खवनाय जाथायजों बबेबा गेदेर मोनसे हाञ्ज्या लोब्व थानायनि सन्देह फोरमायदें। मख'नो गोनांदि, कुसाबारि ओन्सोलाव थानाय माखासे साननिफ्रायनो बोस्मा, मोसो गोमागासिनो दड होना फोरमायनाने जोबथारनायाव फरयसालिआव हाबनाने बेबायदि सिखाव खालामदें होना फरयसालिनि सामलायगिरि रघुनाथ बसुमत्तारिआ फोरमायदें।

## मोब्लिब खुन्थिया बायग्रबनायनि जाहोनाव ...

जिल्लाफोरजों लोमोसे माखासे ओन्सोलफोरवबो मोब्लिब सिबिथाय होनो हायाखे। बिथाड बुंदेंदि, लार्से लार्सेनो बानायफिन्नायनि खामानिया थाबेनो जागायसिमोन। उनाव गिबि मन्थि हिमन्त बिश्व शर्माआ एक्सआव बुंदेंदि, मरियानिआव गिड स्ट्रेसननि गेजेरजों मोब्लिबनि ट्रान्समिसनखों दैथाय हरनाय जाबाय। आसाम इलेक्ट्रिसिटी गिड कर्परसन (एलेक्ट्रिसिएल) नि मोनसे सुलुंआव बुंदेंदि, मोब्लिबखों मोनाबिलि 7:50 रिगासोआव बन्द' खालामदेंमोन, जायजों बुलुबुथुरनि खोला बाहागोनि माखासे जिल्लाफोरव गोहोम गोलेदें। गोहोम गोलैनाय जिल्लाफोर जादें- जरहाट, चराइदेव, शिवसागर, डिब्रुगड, तिनसुकिया आरो काजिरडनिफ्राय गलाघाटनि माखासे बाहागोफोर। सुलुडव बुंदेंदि, जेराव माखासे खहा जानाने दड बेनि हाबाया सोलिगासिनो दड।

## तामुलपुर जिल्ला फरयसा आफ्दाआ ...

आसाम सरकारआ 'का' जाबसिनाने 2014 माइथायनि 31 डिसेम्बरनि सिगां आसामआव हाबफेनाय सुबुंफोरनि नोगोरारि मोन्थाइनि सोमोन्दे गसरखों गुबुन हादतआरि नायबिजिरसंनयाव दैथायहरनो नाड होना फोसावथाइ होनायनि हेथं होनाने तामुलपुर जिल्ला फरयसा आफ्दाआ फोसावथाइ होनायनि रेबगन्थिखों सावनाने गोखोडे खुद्रिसारनाय हाबाफारि दिन्थिफुदें। सोमावसारगिरिफोर बे फोसावथाइखों बोखानाने लाफिन्नांगो, आसाम सरकार हाइ-हाइ, आसाम गोरोबथाखों मावफुंनाने बायदि बायदि स्ल'गान होनाने तामुलपुरखों गोमखांहोयो। दिनेनि बे खुद्रिसारनाय हाबाफारियाव बाहागो लानाने आशुनि मावफुं बिबानगिरि दुलुजित दासआ थागिबिफोरनि रेखाथिनि बाश्ना बुंभोबाय थागा सरकारआ थागिबिफोरनि बेरेखायै बे फोसावथाइखों हरदें। बे फोसावथाइआ आसाम गोरोबथानि हेथं खामानि मावदें। आसाम गोरोबथाखों नेवसिनानयनि खोथाखों दुलाराय आसाम फरयसा आफ्दाआ माव्ताबो मानिनाय नड। आसाम गोरोबथाखों फालिथारनांगोन। बे फोसावथाइखों आसाम सरकारआ थाबेनो बोखानाने लाफिन्नांगो नडब्ला बेनिफ्राय गोखोंसिन सुबुंखाथिआरि उध्रिसारनाय हाबाफ



# इन्डियान-2 सावथुना बक्स अफिसआव सानब्रैनि गेजेराव मौजां रां आरजिनो हादों

कमल हासननि थाखाय 2024 माइथायनि जागायनाया जोबोद मौजाडै थादों। 7 दाननि गेजेरावो बिथानि मोनै सावथुनफोर बक्स अफिसआव 100 कौटि रनि बार आरजिथाइ आरजिबाय। थानाय 27 जुनआव रिलिज जानाय 'कल्कि 2828 एडि' सावथुना बक्स अफिसआव 1000 कौटि रां आरजिदों। बेनि उनाव दा कमल हासननि 12 जुलाईआव रिलिज जानाय सावथुन इन्जिनियर-2 आबो बक्स अफिसआव दोहो सोमजिखाहों। नख 'रारि बक्स अफिस आरो वर्ल्डवाइट इन्डियान 2 नि आरजिनाया



बेसेबां जाखो, फें जों मिबथिना लानि। 'इन्डियान-2' सावथुना 1996 माइथायाव तामिल रावआव रिलिज जानाय 'इन्डियान' सावथुनि सिक्वेल, जायखौ एस शंखरा दिहुदोंमोन।

2024 माइथायाव फेनाय बे सिक्वेलनि सल 'खौ सुबुफोर बार मौजां मोनाखैमोन, नाथाय बेनि जाहोनावबो बक्स अफिसआव बे सावथुना मोनसे मौजां आरजिथाइ आरजिनायाव जाफुं सारदों।

सेकनलिक.कमनि रिपटनि बायदिब्ला, नख 'रारि बक्स अफिसआव समबाव सावथुना रिलिजनि ब्रैथि सानखालि हिन्दिआव 35 लाख, तामिलआव 2 कौटि आरो तेलुगुआव 85

लाखसिमनि सिंगेल डेआव बिजनेस खालामदों। गासिबो रवफोरखौ जुथाइनैकमल हासन आरो काजल अग्रवाल स्टार बे सावथुना नख 'रारि बक्स अफिसआव 62.35 कौटिनि नेट कालेक्शन खालामदों। बे सावथुना सानब्रैनि गेजेरावो मुलुगनाडे 100 कौटि रां बारनै गासै 109.15 कौटि रां आरजिनो हादों। गावनि बे आरजिनायजों 'इन्डियान-2 सावथुनआ बिजय सेतुपतिनि सावथुनखौ मुलुगनाडे कालेक्शनयाव उन खालामनोबो हाबाय। 'महाराजा' सावथुना वर्ल्डवाइड 104 कौटि रांसिनि आरजिथाइ आरजिनो हादोंमोन। 'इन्डियान-2' सावथुनाव कमल हासननि फावआ सान्थि गाहाइमोन, जाय एक्स फ्रिडम फाइटर आरो काराफननि बेरेखायै बिथानि मोनसे गावनि जुजिनायमोन। बे सावथुनखौ हिन्दि रवआव 'हिन्दुस्तानी-2' नि टाइटलजों लोगोसे रिलिज खालामनाय जादों।

## अक्षय कुमारआ कभिड नेगेटिभ मोन्जायनि उनाव आनान्त आरो राधिकानि रिसेप्शनआव सौहैदों

बलिउडनि खिलाड़ी अक्षय कुमारआ दाबावैसो गावनि सावथुनफोरजों लोगोसे गावनि पार्सनेल जिउखौ लानानैबो सावराय जाबाय थायो। बिथानि सावथुन 'सरफिर' आ बावैसो सिगां सिनेमाहलफोरव रिलिज जाबाय। सावथुनआ अन्सायगिरिफोरनिफ्राय मौजां अन्सायनाय मोन्दोंमोन, नाथाय बक्स अफिसआव सावथुनआ मौजाडै पार्फम खालामनो हायाखै। थानाय सानफोराव खौरांआव फेदोंमोनदि, अक्षय कुमारनाव कभिड पजिटिभ मोन्दों। फावखुंफोरआ 'सरफिर' सावथुननि प्रमशननि गेजेरजों जेंना जानाय मोन्दोंदोंमोन, जायनि उनाव बिथाड कभिडनि



टेस्ट खालाम होदोंमोन आरो बिथानि रिजाल्टआ पजिटिभ फेदोंमोन। बेफोर गासिबो खौरांनि गेजेरजों बावैसो सिगां अक्षयनि मोनसे भिडिआ जोबोर भाइरेल जागासिनो दड, जेराव बिथांखौ आनान्त आम्बानी आरो रादिका मार्चेन्टनि वेडि रिसेप्शनआव रंजानाय नुनो मोन्दों। जुलिनि सिगां आनान्त आम्बानीआ गावनो

अक्षय कुमारनि न'आव बिथांखौ गावनि वेडि कार्ड होनो थाखाय थादोंमोन, नाथाय कभिड पजिटिभ जानायनि जाहोनाव फावखुंफोरआ बिसोरनि ग्रेन्ड वेडिआव बाहागो जानो हायाखै। अदेबानि माखासे साननि उनाव जेरेनो बिथांआ हामो आरो रिपटआव नेगेटिभ रिजाल्ट मोनो अब्ला निउलि वेड कापलखौ

गावनि गाहाम हामलायथि होनो थाखाय बिसि दुइकल खानाजों लोगोसे सौहैयो। सेलिब्रिटी फुट'ग्राफार मानब मंगलानिआ गावनि इनस्टाग्राम एकाउन्टआव अक्षय कुमार आरो दुइकल खानानि मोनसे भिडिअ शेयार खालामदों, जाय भिडिअआ आनान्त आरो राधिकानि 15 जुलाईआव जानाय रिसेप्शन पाटिनिमोन। बे पाटिनि हाबाफारिआ जिय 'वार्ड सिनेमाआव खुंफुनाय जादोंमोन। पाटिआव अक्षय कुमारआ क्रिम गाबनि कुर्ता-पाइजामा जादोंमोन। राधिकामार्चेन्ट आरो आनान्त आम्बानीआ मोनथाम आलादा-आलादा रिसेप्शन पाटि खुंफुनाय जादोंमोन।

## आमेरिका नि बारग' हादतगिरि डनाल्ड ट्राम्पनि जाब्रबथायखौ हलिउड सावथुननि सल'जों रुजुदों



आमेरिकानि बारग' हादतगिरि डनाल्ड ट्राम्पनि सायाव रेलिनि गेजेरजों जाब्रबथाइ जानायाव गासै मुलुगआनो दुखु मोन्दों। खुनुखुमै रैखा मोन्याय डनाल्ड ट्राम्पआ इसोरखौ साबायखर बाउदों। बे बायदि जाथायखौ हलिउडनि सिनेमायाबो पर्दाआव दिन्थिबाय थायो। माब्लाबा सैथेनि बिथिजों माब्लाबा सानानयनि जेंना बिथिजों दिन्थिनानै। सावथुनफोराव

प्रेसिडेन्टनि बेरेखायै गोथौ प्लानि खालामनाय जादों। माब्लाबा एयार फर्सखौ हाइजेक खालामनाय, माब्लाबा हवाइट हाउसखौ बमजों उरायहोदों। दाबावैसो डनाल्ड ट्राम्पनि जाब्रबथाइया बे सावथुनफोरखौ आरो सल 'फोरखौ गोसो खाहोदों। 1951 आब फेनाय 'द टल टारगेट' हलिउडनि जागायजेन्नाय सावथुनफोरनि गेजेरनिफ्राय, जेराव आमेरिकानि

हादतगिरिखौ बुथारनो प्लानि खालामनानयनि सल 'खौ दिन्थिनाय जादोंमोन। एन्टनि मान दिहुन्नायाव बानायजानाय सावथुननि सल'आ बाल्टिमोर प्लानि जारिमिनआरि जाथायनि सायाव दिन्थिनायमोन। जेब्ला 1861 आब हादतगिरि-इलेक्ट अब्राहम लिंकनखौ बुथारनो थाखाय प्लानि खालामनाय जादोंमोन। डिंक पाटेलआ पुलिस बिबानगिरिनि फाव दिन्थिदोंमोन

आरो बे प्लानिखौ जाफुंसारनायनिफ्राय होबथायो। बिथानि फावनि मुंआ जन केनेडिमोन। हादतगिरिखौ बुथारनानयनि प्लानि खालामनाया हलिउडनि सावथुनि मुलुगआव थिनुआवबो प्लानि खालामनाया जाबायथागोन। 1954 आब मोनसे नायर क्राइम सावथुन फेदोंमोन, जायनि मुंआ 'साडेनलि'मोन। हादतगिरिखौ बुथारनो थाखाय बुथायाया मोनसे आरेबायदि न'खौ गावनि कब्जाआव लायो, जेनिफ्राय टारगेट खालामनाया गोसै जायो। 1961 निफ्राय 1963 आब बुथारनाय जाथायसिम आमेरिकानि हादतगिरि जानाय जन फिटजेराल्ड केनेडि एबा जेएफकेनि बयनिखुइ आजोला हादतगिरिमोन। 1963 माइथायाव केनेडिखौ बुथारनाया डल्लासआव जादोंमोन।

## 'उलझ' सावथुननि ट्रेलारखौ अक्टखौ फोसावबाय

जाहन्वी कापुरआ बावैसो सिगां 'उलझ' सावथुननि ट्रेलार प्रिबिउआव गोदान महरआव सौहैनै बयखौबो गावनि फारसे नोजोर बोदों। अदेबानि मुम्बाइयाव सावथुननि ट्रेलार प्रिबिउखौ दोन्याय जादोंमोन, जेराव गासिबो स्टार कास्टआ नुजाफेदोंमोन। बे इभेन्टआव जाहन्वी कापुरआ मोनसे स्पेशल बडिकन ड्रेस गान्दोंमोन आरो बयखौबो इम्प्रेस खालामदों। बेनि सिगां जाहन्वीआ आनन्त आरो रश्मिकानि जुलि फांक्शनआव बयफ्रेन्ड शिखर पाहाडियाजों लोगोसे सौहैनै बयखौबो गोमोहोदों। अदेबानि अफिसियेलि कापलआ दासिमबो जेबो एनाउन्स खालामाखै नाथाय जेब्लाबो सानैखौ जयै स्मट खालामनाय जायो। बेनि अनगायैबो बिथाड शिखरनि मुनि पेन्डेन्टबो गानो। दाबावैसो सिगां मोनसे इभेन्टआव जेब्ला जाहन्वीजों जुलिखौ लानानै सौलु सौनाय जादोंमोन अब्ला मिथिना लादों बिथाड मा बुंदोंमोन। जाहन्वीआ मोनसे इन्स्टाग्राम स्टोरियाव फस्ट खालामदोंमोन आरो लिरदोंमोनदि, आंनाव मोनसे सिफ्रेट दड, जायखौ नौसोर बयजोंबो शेयार खालामनो थाखाय



जोबोद एक्साइटेड। अन्साइगिरिफोर आलादा-आलादा हमदोंनो हमदों नाथाय उनाव मिबथिबायदि, बे पस्टआ बिथानि फेगौ सावथुन 'उलझ' नि ट्रेलार रिलिज जानायनिमोन, जायनि एनाउन्समेन्टखौबो जाहन्वीआ बेबायदि शेयार खालामदों। जेब्ला ट्रेलार लन्व इभेन्टआव फावखुंफिया सौहैदों अब्ला जाहन्वीनाव सासे रिपटसंआ सौलु' सौंदोंमोन बेनि फिन्नायखौ खोनाब्ला नौथांमोनहा गोमोहाबगोन। रिपटआ जाहन्वीनाव सौलु' खालामदोंदि, मा जुलिनि माबाफेर खौरां दड नामा? बेनि

# गाहाम देहानि राहा

## साहारखौ बांदाय लोडेब्ला देहानि थाखाय रवहा मोनां जानो हागौ!

भारतयाव बांसिन सुबुंफोरानो साहा लोंनो मौजां मोनो। नौथाडबो गायखेर साहा लोंनो मौजां मोनोब्ला माखासे बेसादफोराव जुनिया गोसो होनांगौ, नडब्ला नौथांनि देहायाबो गाजि गोहोम खोखलैनो हागौ। साहा बानायनाय समाव फिसा-फिसा सांग्रांथि गैयैया जौनि देहाखौ गोबां खहा खालामनो हागौ, बेनिखायनो सांग्रां जानाया जोबोद गोनांथार। जुदि नौथाड गायखेरनि साहा लोंडेब्ला नौथाड गायखेर होफादेरखानायनि उनाव 2 निफ्राय 3 मिनिटनि बांसिन फुदुंनयनिफ्राय गोजानाव थानांगौ। जुदि साहायाव होफादेरनाय गायखेरा सिगांनिफ्रायनो गुदुब्ला नौथाड फुदुंनय समखौ एसे बाडइ खालामनो हागोन। जुदि गायखेरनि साहाखौ थाम मिनिटनि बांसिन फुदुंडेब्ला



नौथांनि साहानि थावनाया गोखे जानो हागौ। गाइखेर साहाखौ गोबाव समसिम फुदुंब्ला नौनि बिबुनि देहायाव गाजि गोहोम खोखलैनो हागौ। गोबाव समसिम फुदुंनय साहाखौ लोंनानै नौथाड उदेंजों सोमोन्दो थानाय गासैबो जेंनाफोर जैरै-एसिडिटी, उदै सानाय आरो कनस्टिथेसनजों मोगा-मोगि जानांनो हागौ। नौथांनि फोरमायथिनि थाखाय, मिबथिहोयोदि, साहाखौ थाम मिनिटनि बांसिन फुदुंनयनि जाहोनाव बेयाव थानाय थावनायखौ सोलायनो हागौ।

हागौ। गायखेर होनायनि एसे समनि गेजेरावो नौथाड साहाखौ लोंनांगौ। जेब्ला माखासे सुबुंफोरनि साहाया गुसु जायो, अब्ला बिसोरो बेखौ गरम खालामफिनो आरो लोडे। नाथाय गले गले साहा लोंनाय हुदाया नौथांनि देहायाव गोहोम खोखलैनो हागौ। बेबादिनो, खनले-खनले साहा लोंनाया केन्सार बायदि गिखंथाव बेरामनि खैफोदखौबो बांहोनो हागौ। बेनि अनगायैबो, साहाखौ फिन गुदु खालामनायाबो बेनि थावनायखौ सोलायनो हागौ।

## बलिउडनि समायना फावरखुंफि केट्रिना केफआ 16 जुलाईआव गावनि 41 जोनोम सान फालिदों

बलिउडनि गोजों मुलुगाव जेब्लाबो जाफुंसारनाय फावरखुंफिफोरखौ सावरायोब्ला, केट्रिना केफनि मुंआ बयनिखुइ गिबिसिनि फेयो। गावनि समायना महर, खष्ट खालामनाय आरो रोंग 'थिनि गोहोजों बिथाडा सावथुन मुलुगनाव मोनसे मौजां मासि मोनो हादों। 16 जुलाई 2024 आब केट्रिनाया गावनि 41 थि जोनोम सान सेलिब्रेट खालामदों। केट्रिना केफआ गावनि केरियरआव गोबां सन्मानखौ गावनि मुं खालामनो हादों, नाथाय बेनि गेजेराव एरेबायदि अचिब्लेन्टबो दफायो, जाय बिथांखौ गासिबो फावरखुंफिनिफ्राय आलादासिनि बानायो। केट्रिना ना केफआ खालि बलिउडनि टप फावरखुंफिल' नड, नाथाय सासे गलबेल आइकनबो। बेजों

लोगोसे बलिउडनि रिएल डलबो। केट्रिना के फआ भारतनि गिबि फावरखुंफि, जायजों इनस्पयार्ड बाबि डल बानायनाय जादों। केट्रिना सिगां बे सन्मानखौ हारिमायारि आइकन्स मार्लिन मुनर', शकिर, आइड हेपबर्न, हेइडि कलम, आरो एलिजाबेट टेलर मोनहाबो मोन्दोंमोन। बे सनमानआ खालि केट्रिना थाखायल' नड नाथाय भारतनि सिनेमानि थाखायखौ गोगाथावनि बाध्रा। केट्रिना केफआ 2009 आब लोकिम फे शान उडकआव निश्का लुल्लानि थाखाय 'बाबि अल डल्ले आप' स्व 'नि गेजेरजों रेम्प वाक खालामदों। केट्रिना के फनि जोनोमा 1984 माइथायाव हंकेआव जादोंमोन। ब्रिटिस आरो काश्मीरी मुलनि केट्रिनाया 14 बोसोर



बैसोयावो मडेलिनि मुलुगाव आगान होदोंमोन, जायनि जाहोनाव बिथांखौ भारतआव लाबोदों। केट्रिना बलिउड जार्निया 2003 माइथायनि 'बुम' सावथुन निफ्राय जागायजेन्दोंमोन। अदेबानि बे सावथुना बक्स अफिसआव बांदाय मौजाडै दिन्थिनो हायाखैमोन, नाथाय केट्रिना समायना महर आरो पार्सनेलिटिया बयखौबो गोसो बोनो हादों। केट्रिनाया सलमान खानजों लोगोसे सावथुन 'मैने

प्यार क्यो किया' निफ्राय पुपुलारिटी मोन्दोंमोन। बे सावथुननि जाफुंसारनायाव बिथाड इन्डास्ट्रियाव मौजां लिड फावरखुंफिनि जायगा बानायनायाव मदत मोन्दों। बेनि उनाव बिथाड उनाव मस्ते लन्डन, वेलकाम, सिंह इज किं, निउयर्क, अजब प्रेम की कहानी, रजनीति आरो जिंदगी ना मिलेगी दौबारा बायदि सावथुनफोराव गावनि रोंग 'थिनि जलवा दिन्थिखांबाय।

## ड्राम्सनि केसआव बलिउडनि फावरखुंफि रकुल प्रित सिंनि फंबाइरखौ ग्रेप्टार खालामदों

बलिउडनि फावरखुंफि रकुल प्रित सिंनि फंबाइ अमन प्रित सिंखौ ड्राम केसआव ग्रेप्टार खालामनाय जादों। बेजों लोगोसे आरोबाव साडू सुबुंफोरखौ हमनाय जादों। तेलेंगाना एन्टि-नारकटिक्स बिफानआ बिसोरनिफ्राय 199 ग्राम ककेन मोनो हादों, जायखौ एल्लिगंडनि फान्नो



थाखाय हाइड्राबादआव लाबोगासिनो दडमोन। रजेन्द्र नोगोर जननि साइबराबाद पुलिसनि डिसिपि श्रीनिवासआ निउज एजेन्सि एएनआइजों सावराय लायनायाव मिबथि होदोंदि, गंसे प्लेटआव नार्यबिजराय जादोंमोन, जेराव साबा सुबुंआ ग्रेप्टार खालाम जादों। बिसोर गासिबो ड्राम्स के सनि जेंनायाव गोसैनायमोन। बिसोरनि मुंआ अमन प्रित सिं, अनिक्ल रेड्डी, प्रसाद, माधुरान आरो निखिल धवनमोन। बिसोरनिफ्राय 199 ग्रं ककेन, 2 पासपर्ट, 2 टु

उड्लार्स आरो 10 सेलफन मोनो हादों। पुलिसनि बादिब्ला साबानिफ्राय सानै सुबुंआ नाइजिरियानिमोन। बिसोरनि गेजेराव सासेआ आइजोमोन। बे ड्राम्स रेकेटनि तारआ नाइजिरियाजों लोब्बा दड, जायनि मास्टर माइन्डआ डिबेन इब्युका सुजि मुनि सुबुं। ग्रेप्टार खालामनाय गासिबो साबा सुबुंनि इउरिन टेस्ट लानाय जादों। बयनिबो रिपर्टआ पजिटिभ फेदों। बिसोरनि बेरेखायै एनपिडिएस एक्टनि गेजेरजों लिगेल एक्शन लानाय जाबाय। पुलिसआ

मिबथि होदोंदि, डिबेन इब्युका सुजिआ सिगांआवबो ड्राम्सनि जाथाइयाव ग्रेप्टार खालाम जाखांबाय। बे सुबुंआ हाइड्राबादआव खमैबो 20 खेब ड्राम्स साफलाइ खालामखांबाय। बे सुबुंफोरा आफ्रिका। हादतनिफ्राय ड्राम्सखौ दिल्लीयाव लाबोयो। बेनिफ्राय ट्रेन एबा प्लाइटजों पेडलार्सखौ ड्राम्स साफलाइ खालामोमोन। बेनि सायाव दासिमबो रकुल प्रित सिं एबा बिसोरनि नख 'रनिफ्राय फिनजाथाइ फेयाखै।



## आमेरिकानि बारग' हादतगिरि डनाल्ड ट्राम्पआ गाग्लोबजानायनि उनाव गिबि खेब नुजाथिदों

गोदान दिल्ली, 16 जुलाई : आमेरिकानि आगुनि हादतगिरि डनाल्ड ट्राम्पआ बावैसो सिगां विसायख'थि रेलिन समाव गुलि नांदोंमोन। गाम्लोबग्रा विसायख'थि रेलिन समाव बिनि सायाव माखासे गुलिफोर गावयो। बे गाम्लोबनायाव बियो जोखोम जादोंमोन आरो बिनि आगदानि खोमानि गोजौ बाहागोयाव गुलि नांदोंमोन। जोखोम जानायनि उनाव डनाल्ड ट्राम्पआ रिपब्लिकन नेशनेल कन्भेन्शनआव गिबि केब नुजाथियो आरो बिनि आगदानि खोमाया खाथेनायमोन। ट्राम्पआ फोथाराव फेनाय समाव होंगो-दोंगो सुबुंफोर आखाय खबनाने बिखौ बरायो। लोंगोसे ली ग्रिनबुडआ गावनि 'गट ब्लेस दा इउ एस ए' देंखोखौ रोजाबो।



बे समाव ट्राम्पनि सानै जवान फिसान्ला एरिक ट्राम्प आरो डनाल्ड ट्राम्प जुनियरआ बिनि उनाव जिययदोंमोन आरो हाउस स्पिकर माइक जनसन, आर-ला बेन्स केआ बिनि खाथियाव जिरायदोंमोन। रिपब्लिकन नेशनेल कन्भेन्शन डेलिगेटनि भट मोन्नायनि उनाव थान्देंफोर खारसे महरें डनाल्ड ट्राम्पखौ पाटेंनि हादतगिरि मासिनि बिजाथि महरें सायख'यो।

सुलुडाव फोरमायनाय बायदिब्ला, बिथाडा मुं थिसननायनि उनाव बेयाव थानाय सुबुंफोरजों सोमोन्दो लाखियाखै। बियो फेगौ 18 जुलाईआवसो मिलवाउकियाव मावख'यारि बिजाथि महरें मुं थिसननायखौ गनायना लागोन आरो बिबुंथियो होंगोन। बियो थामथि खेब जेब्ला ट्राम्पखौ पाटेंनि हादतगिरि मासिनि बिजाथि महरें सायख'यो। बेजों लोंगोसे

ट्राम्पनि सायाव अलखदखौ नोजोर लाखिनानै कन्भेन्शन जानाय जायगायाव रोजा-रोजा रेखाथि मावसुमाफोर थिसन्दों। बेराफारसे, बाइडेन आरो ट्राम्पनि गेजेराव जानाय टिब्रेटआव ट्राम्पआ सिगांनिफ्रायनो आवगायगासिनो आरो जेब्लानिफ्राय ट्राम्पनि सायाव गाम्लोबो अब्लानिफ्राय बिनि पपुलारिआ बांसिनै बाडे। आमेरिकायाव फेगौ नभेम्बर दानाव हादतगिरि मासिनि थाखाय विसायख'थि जाहोन आरो बे विसायख'थियाव ट्राम्पआ देरहानो हागौ होन्ना मिर्जिथिनाय फोरमायदों।



रामल्लाह, 16 जुलाई : भारत सरकार 2023-25 नि थाखाय फिलिस्ताइन रिपुजिफोरनो मदत खालामनो थाखाय गिबि किस्तिखौ फोसावो। सरकार फिलिस्ताइन रिपुजिफोरनि थाखाय इउएन रेहाय आरो हाबाफारि मावग्रा एजेन्सि

(इउएनआरडब्लिउए) नो 2.5 मिलियन आमेरिका डलारनि गिबि किस्तिखौ फोसावो। गाजायाव सोलिनय धर्नानि गेजेरजों भारतआ फिलिस्ताइननो बे बोसोरार 5 मिलियन आमेरिका डलारनि मदत खालामनो नाजानायाव

रामल्लाहआव भारतनि थान्दें मावख'आ एक्सआव होनाय गावनि बिबुंथियाव बुडेदि, भारत सरकार 2024-25 नि थाखाय 5 मिलियन आमेरिका डलारनि गावनि बोसोरारि बिहोमानि बाहागो महरें फिलिस्ताइन रिपुजिफोरनि थाखाय इउएनआरडब्लिउएनो 2.5 मिलियन आमेरिका डलारनि गिबि किस्तिखौ फोसावो। थानाय माखासे बोसोरफोराव फिलिस्ताइन रिपुजिफोर आरो बिसोरनि जौखानायनि थाखाय मदत खालामनो नाजानायाव

भारतआ रिपुजिफोरनो होनाय सोलें थाइ, सावस्त्रियारि सिबिथाइ रेहाय आरो समाजारि सिबिथाइफोरजों लोंगोसे इउएन एजेन्सिनि गाहाइ हाबाफारिफोर आरो सिबिथाइफोरनि थाखाय 2023-24 सिमाव 35 मिलियन आमेरिका डलारनि रंखाथियारि हेफाजाब होंदों। बावैसो सिगां निउयकं आव खुंनय इउएनआरडब्लिउनि जथुमानि समाव भारतआ रंखाथियारि हेफाजाबनि अनगाय इउएनआरडब्लिउनो मुलिफोरनो होंगोन होन्ना फोसावो।

## आमेरिकानि लेडाइ हादतगिरि मासिनि बिजाथि जेडि वेन्सआ ब्रिटेनखौ निउक्लियार हाथियार गोनां इस्लामिक हादत होन्नाबै गाम्लोबदों

वाशिंग्टन, 16 जुलाई : आमेरिकानि हादतगिरि विसायख'थियाव बारग' हादतगिरि डनाल्ड ट्राम्पखौ बिजाथि महरें सायख'बाय। फार्सेथि बिथांखौ गोख्रोडे सावरायग्रा जेडि वेन्सखौ लेडाइ हादतगिरि मासिनि बिजाथि खालामनाय जायो। जेडि वेन्सआ हामासनि हेंथायै इज्राइलनि दावहायाव ट्राम्पनि थासारिखौ हेफाजाब होंदों। ट्राम्पआ अहाय'नि सिनेटर जेम्स डेभिड वेन्स (39)खौ रिपब्लिकन पार्टीनि फार्सेनिफ्राय ले डाइ हादतगिरि मासिनि बिजाथि महरें सायख'दों। वेन्सआ 2022 आव गिबि खेब अहायनिफ्राय सिनेटर सायख'ज। दो'मोन। मख'जाथावदि, 39 बोसोरनि जे.डिआ 2016 आव गावनि गोसोखांथि हिलबिली

एलेजिआ फोसावजानायनि उनाव खौराव फेदोंमोन। बिथांखौ 2022 आव सिनेट महरें सायख'जादोंमोन। बिथाडा 2016 आव ट्राम्पनि गोख्रों सावरायगिरिमोन। अदेबानि आथिखालाव बिथाडा ट्राम्पनि गोख्रों हेफाजाबगिरिफोरनि गेजेराव सासे जानानै फेबाय। बे दाननि जागायजेन्नायाव वेन्सआ निउक्लियार फोसावदिनि बागै सासे लोंगोजों बाथ्रा सावरायदोंमोन। वेन्सआ बुंदोंमोनदि, गिबि सैथो इस्लाम हादतआ बबे, जाय निउक्लियार हाथियारखौ मोनगोन। बेयो इरान जानो हागौ। पाकिस्तानआल' जानाय नड आरो बेयो ब्रिटेनबो जानो हागौ। मानोना ब्रिटेनआव लेबारआ बावैसो सिगांआव खुंथाइ बिबानखौ सामलायदों। ब्रिटेनआव बावैसो सिगां जानाय सरसनस्त्रा विसायख'थिफोराव



लेबार पाटिआ गोर्फी देरहासादानायनि उनाव वाशिंग्टनआव मोनसे सम्मेलनआव बे बिबुंथियो वेन्सआ होंयो। बेनि गेजेराव मिलवौकि रिपब्लिकन सन्मेलनआव ट्राम्पखौ मावख'आरि महरें फेगौ नभेम्बर 2024 आव जानो गोनां हादतगिरि विसायख'थिनि थाखाय रिपब्लिकन पार्टीनि बिजाथि फोसावनाय जादोंमोन। बे हाबाफारियाव ब्रिटेननि बारग' गाहाइ मन्थि


गोदान दिल्ली, 10 जुलाई : रासिया आरो इउक्रेनि गेजेराव

दावहाया सोलियासिनो दं। बे समावनो, रासियाजों भारतनि गोबाव समनि सोमोन्दोनि मोनसे रोखा फोरमायथियाव आमेरिकाया बुंदोंदि, गोदान दिल्लीखौ मास्कजों गावनि सोमोन्दोखौ बाहायनो खवलायदों जाहाथे रासियानि हादरगिरि ब्लादिमीर पुतिनखौ इउक्रेनि हेंथायै आयेन बेरेखा दावहा फोजेबनो खवलायनो हायो। स्टेट डिपार्टमेंटनि बुंथिगिरि मैथ्यु मिलरआ गावनि सानफ्रेमबोनि खौरां जथुम्मायाव खौरां बुथुमगिरिफोरनो बुंदोंमोनदि, रासियाजों भारतहा गोबाव समनिफ्रायनो सोमोन्दो दं। जों भारतखौ बैफोर गोबाव समनि सोमोन्दोफोर, रासियाजों गावनि रुजुजायै थाथायखौ बाहायनो थाखाय थुलुंगा होंदों

लिज ट्रासखौबो नुनो मोन्दोंमोन। रिपब्लिकन पार्टीनि बारग' हादतगिरि मासिनि बिजाथि भिबेक रमास्वामीआ वेन्सखौ हेफाजाब होंदों। डनाल्ड ट्राम्पआ लेडाइ हादतगिरि मासिनि थाखाय 39 बोसोर बैसोनि जे.डि वेन्सखौ गावनि लोंगो महरें सायख'दों। ट्राम्पआ गावनि सशेल मिडिया टुथ ससलआव मोनसे स्प्ट होनानै वेन्सखौ ले डाइ हादतगिरिनि बिजाथि होन्ना रोखा खालामो।

## रासिया- इउक्रेन दावहानि गेजेराव आमेरिकाया भारतनिफ्राय हेफाजाब लुबैदों

गोदान दिल्ली, 10 जुलाई : रासिया आरो इउक्रेनि गेजेराव



आरो हादतगिरि पुतिनखौ दावहाखौ फोजेबनो आरो बे दाडबाजियाव मोनसे न्याय गोनां आरो गोजोर गोजोन मोननो आरो इउक्रे ननि ओनसोलारि गोजोरथिखौ मान होंनो खवलायदों। स्टेट डिपार्टमेंटनि बुंथिगिरि मैथ्यु मिलरआ मोनसे सोंथिनि फिन्नायाव बुंदोंदि, जों भारत सरकारनि थाखाय बेनि सायाव गोसो होबाय थान्दें। रासियाजों जोंनि सोमोन्दोआव भारतआ

मोनसे गोनांथार बाहागोआरि दं। मिलरआ 9 जुलाईखालि गाहाइ मन्थि नरेन्द्र मदिनि रासियानिफ्राय थानायनि एसे उनावनो बेबादि बिबुंथि होंदों। मदिआ 22थि भारत-रासिया बोसोरारि जथुम्मानि थाखाय 8 निफ्राय 9 जुलाईसिम साननैनि थाखाय रासियायाव दंमोन। इउक्रेनाव सोलिबाय थानाय दावराव-दावसिनि गेजेराव सोनाबआबो बिथांनि दावबायनायखौ खाथिनिफ्राय

नोजोर होंदों। 2 बोसोर सिगां रासियानि इउक्रे नखौ गाम्लोबनायनि उनाव बेयो मदिनि गिबि रासिया दावबायनायमोन। गाहाइ मन्थि मदिआ 9 जुलाईखालि इउक्रेनाव दावहानि आनदोआव पुतिननो बुंदोंमोनदि, बमा, सिलाय आरो गुलिफोरनि गेजेराव गोजोन सावरायनाया जाफुंसारखै आरो दावहानि फोथाराव जेबो दावराव-दावसिनि सुस्त्रानाया जाथावना नड। भारतआ रासियाजों गावनि जर'खा आरो जुनिया मोनथाय गोनां सोलोआरि बाहागोआरिखौ गोख्रोडे रेखा खालामगासिनो दं आरो इउक्रेनाव दावहा जासेआवबो मस्क जों सोमोन्दोआव गोख्रैथिखौ लाखिबाय थान्दें।

## तिरुवनन्तपुरम देहा फाहामसालिनि लिफ्टआव सासे बेमारिया सानसे खावसे सम थाबथाना थान्दें

तिरुवनन्तपुरम, 16 जुलाई : तिरुवनन्तपुरम सरकारि मेडिकल देहा फाहामसालिनि लिफ्टआव सासे बेरामि थाबथाना थानायनि उनाव आथिखालाव केरेला सावस्त्रि बिफाना गिदिर एक्सन लायो। बेनि उनाव बिफाना समबारखालि देहा फाहामसालिनि सा 3 मावसुमाफोरखौ सारसेन्ड खालामो। सारसेन्ड खालामजानाय सा 3 मावसुमाफोरनि गेजेराव सानै लिफ्ट अपारेटर आरो देहा फाहामसालिनि सासे डिउटि

सार्जेन्टआ दंफायो। बेमारिनि सिनायथिखौ उल्लुरनि रविन्द्र नायर मुडे होंदों। शनिबारखालि तिरुवनन्तपुरम मेडिकल कलेजआव सासे बेमारिया लिफ्टआव थाबथाना दडमोन, जायखौ समबार फुडाव 6 रिगायाव रेखा खालामनो हायो। बिखौ सानसे खावसेनिखुइ बाउसिन समनि उनाव रेखा खालामो आरो देहा फाहामसालिनि अपिं बलकआव सासे बेमारिनि लिफ्टआव थाबथाना थानायखौ रावबो मिबथियाखैमोन। बेनि गेजेरजों रविन्द्रनआ देहा



फाहामसालिनिफ्राय ओंखारनाय समाव लिफ्टआव थाबथायो आरो लिफ्टआ गोब्राबै नैथि थालानि गेजेराव थाबथाना थायो। बिनि फनखौबो मोनाखैमोन। बेनिखायनो बिनि नख'रा थानाय रबिबार हराव मेडिकल कलेजनि पुलिसनिनाय

गोमानायनि केस थिसनो। नख'रनि सोद्रोमाफोर बुडेदि, लिफ्ट बन्द' जानायनि खौरां होनाय जेबो साइनबर्ड गैमागोन। आथिखालाव सावस्त्रि मन्थि भिना जर्जआ बे जाथायखौ थाबैनो नायबिजिनो बिथोन होयो।

## तिहाइ जोबथेसालिनि सुपारिन्टेन्डेन्टआ दिल्ली गोजौ बिजिरसालियाव गिबि मन्थि केजरिवालनि आरज'लाइखौ हेंथा होंदों

गोदान दिल्ली, 16 जुलाई : दिल्लीनि गिबि मन्थि अरविन्द केजरिवालखौ रेहाय मोन्नाय नुवाखै। बे केसआ दिल्लीनि गिबि मन्थि केजरिवालनि जेलाव गावनि उखिलफोरजों उफ्रा सावरायनायनि दाबिजों सोमोन्दो दड। बे जाथायाव तिहाइ जोबथेसालिया दिल्ली गोजौ बिजिरसालियाव मोनसे एफडेभिट दाखिल खालामदों। तिहाइ जोबथेसालिनि सामलायगिरिया दिल्ली गोजौ बिजिरसालियाव गिबि मन्थि केजरिवालनि आरज'लाइखौ हेंथा होंदों। बिथाडा बुंदोंदि, आम आदमी पार्टी (आप) नि



सुप्रीम'खौ जर'खा गनायथि होंनो हाया। तिहाइ जोबथेसालियाव आथिखालाव फ्राय सा 20,000 केदिफोर दं (आन्डार ट्रायल आरो दायनिगिरिफोरखौ लाफानानै), जायनि गेजेराव गोबाडनो आरज'लाइ होग्रानिखुइ बांसिन

बिजिरनायजों मोगा-मोगि जागासिनो दड, नाथाय दिल्ली जोबथेसालिनि नेम, 2018 नि नेम 585 आ बयनिबो थाखाय रोखोमसे। बिथांनि बायदिब्ला, गासैबो आर'ज गाबगिरिनो जर'खा रेहाय होंनो हाया। बेनि अनगायैबो, जायखिजाया

केदिफोरनो जर'खा फाहामथाय होनाया मोनसे गोरोंथि बिदिन्थि गायसनगोन आरो दिल्ली जोबथेसालिनि नेम, 2018 खौ सिफानाय जागोन। सेन्ट्रल जेल नं 2 सुपारिन्टेन्डेन्ट तिहाइजों दाखिल खालामजानाय फिन्नायाव बेफोर बाथ्राफोरखौ बुंनय जादों। केजरिवालआ गोबां गौलैसोना थानाय केसफोरनि सोमोन्दे सावरायनो आरो मोनसे मावखाथि बानायनो थाखाय गावनि उकिलफोरजों मोन्ने उफ्रा जथुम बिदोंमोन। बेनि थाखाय दिल्ली गोजौ बिजिरसालिया 18 जुलाईआव केसनि सायाव खोनासंगोन।

## सान्जा आफगानिस्तानआव दै बाना आरो अखाजों सा 35 सुबुंफोरनि जिउ गोमादों



काबुल, 16 जुलाई : सान्जा आफगानिस्ताननि जलालाबाद आरो नांगरहार ओन्सोलाव थानाय फुडाव हरखाबै फेनाय दै बानायाव खमैबो सा 35 सुबुंफोर थैयो आरो सा 230

सुबुंफोर जोखोम जायो। खौरां आरो हारिमु बिफाननि गाहाइ कुरेशी बेडलुनआ फोरमायनाय बायदिब्ला, समबार बेलासियाव जलालाबाद आरो नांगरहार ओन्सोलनि माखासे

जिल्लाफोराव बारहुंखानि जाहोनाव हानाय अखाजों सा 35 सुबुंफोर थैयो आरो सा 230 गुबुनफोरा जोखोम जायो। बे डलुनआ फोरमायोदि, गोबां बारहुंखा आरो अखा हानायनि जाहोनाव बिफां-लाइफां, सुबुंफोरनि न'नि वाल आरो उखुमफोरा गोग्लैयो, जायजों सुबुंफोरा थैयो। थैनायनि अन्जिमाया बांनो हागौ होन्ना बिथाडा बुंदों। आथिखालाव जोखोम जानाय आरो भुगिनांग्रफोरनि गोथै सह'फोरखौ नांगरहार

ओन्सोलआरि देहा फाहामसालि आरो फातिमा-तुल-जहरा देहा फाहामसालियाव लानाय जाबाय। बे दुखुनांथाव जाथाया थानाय मे दानाव आफगानिस्तानआव हरखाबै फेनाय दै बानानि उनाव जायो, जेराव गोबां सुबुंफोर थैदोंमोन आरो हादतनि आबाद मावग्रा फोथारफोराव दै लोमसावदोंमोन, जेराव 80 जौखोन्दो सुबुंफोर थानानै थानो थाखाय आबादिनि सायाव सोनारो।

गोदान दिल्ली, 16 जुलाई :

टाटा मटर्सआ खेबसेबाव दोहो लाबोनो थियारि खालामदों। अट' कम्पनीआ गावनि बयनिखुइबो बांसिन डिमान्ड खालामजानाय गारि टाटा पान्सखौ पेरिलफत भार्जनआव थाबैनो लन्च खालामनो थंगासिनो दड। मख'जाथावदि, टाटानि बे कम्पेक्ट एसइडिआ बे बोसोरार लान्थ्रियै जौसिन पडियाम जायगाखौ आवग्रिनानै लादों। सोलि बोसोर 2024 आव टाटा पान्स आइसिड आरो सिएनजि भार्जनआव मा गोदान फेनो हागौ आरो बेनि बेसेनआ बेसेबां जागोन बेफोरनि बागै कम्पनीआ इसाय होंदों। टाटा मटर्सआ साब कम्पेक्ट एसइडिआ टाटा पान्सखौ 2021 नि अक्टबराव गिबियै लन्च खालामदोंमोन। बेनि उननिफ्रायनो पान्सआ लान्थ्रियै

गोदान दिल्ली, 16 जुलाई :



टप-10 बयनिखुइबो बांसिन फान्नो हाग्रा गारिफोरनि फारिलाइआव जायगा आवग्रिनो हादों। सोलिफु बोसोरनि जागायजेन्नायाव टाटा मटर्सआ गोदान पान्स इभि लन्च खालामदोंमोन। इभि पान्सआव गोदान जेनेरेसन 2 इलेक्ट्रिक आर्किटेक्सार होनाय जायखौ जोबोर अन्साइनयबो जादोंमोन। फार्सेथि गोदान पान्स पेरिलफतखौबो इभि डिजाइननि कपि खालामना होनाय जादों। गोदान पान्स आइसिड आरो

इन्सिनि एल' उइल मोनो हागौ। आपडेड खालामजानाय गोदान पान्सआव टुइन 10.25 इन्सिनि इनफर्टेनमेंट सिस्टेम आरो डिजिटल इन्सट्रुमेंट प्लास्टार मोनगोन। जेरै- बेनि इभि मडेलआव दड बिबिदो मोनगोन। आथिखालनि पान्स आइसिड आरो सिएनजि मडेलआव 7 इन्सि टास सिक्किन आरो प्रन्ट भेन्टिलेटेड सिटफोर दड। टेस्ट भेलुआव थानाय स्टेयारि हुइलआ बेनोबे थागोन। नाथाय नेक्सन आइसिड आरो इभि मोन्नेआवबो इलुमिनेटेड लग'जों लोंगोसे गोदान 2 स्पक्स स्टीयारि हुइल थागोन। पान्सआव रिफार्स पार्कि सेन्सर आरो पार्कि केमेरा, 6 एयार बेक, 360 केमेरा, रैन सेन्जि वाइपर, टयार प्रेसर मनिटर, इलेक्ट्रिक स्टेबिलिटी प्रग्राम बायदि रेखाथि पिचासफोर दड।



## अलिम्पिक आव गंनै मेडल देरहानाय सिन्धुआ पेरिसनि थाखाय थियारि जाबाय

गोदान दिल्ली, 16 जुलाई: फ्रान्सनि राजथावनि पेरिसआव फेगौ 26 जुलाईनिफ्राय अलिम्पिकआ जागायगोन। अलिम्पिक गेम्सखौ मुलुगनि देरसिन गेलेमुनि इभेन्ट मानिनाय जायो, जेराव मुलुगनि गोबां एथलिटफोरा मेडेलनि थाखाय बेयाव सेलेन्ज होन्लायो। टकिय अलिम्पिकआव भारतनि हान्जाया मोजाडे दिन्थिफुनायजो रेकर्ड गं 7 मेडल देरहादोमोन, जेराव बेनो दासिमनि गेजेराव साबसिनै दिन्थिफुनाय थिसन्नादों। अलिम्पिकनि जारिमिनआव भारतनि आइजो गेलेगिरि पि.भि. सिन्धुआ गंनै मेडल देरहाबाय। 1995 नि 5 जुलाईयाव हाइड्राबादआव जोनोम मोनाय सिन्धुनि बिमा-बिफाया थिलबल गेलेगिरिमोन, जेराव सिन्धुनि बिनानावआबो माहारियारि थाखोन हेन्ड बल गेलेगिरिमोन। नाथाय सिन्धुआ बे मोनै गेलेमुनि अनगायै बेडमिन्टनखौसो गावनि आंगो खालामना लादों। भारतनि बेडमिन्टन स्टार पुलेला गपिचान्दखौ सिन्धुआ गावनि



शुलुगानि गुरु मानियो। रिय अलिम्पिक 2016 आव बेडमिन्टन सुपरस्टार साइना नेहवालनिफ्राय गोबांआनो मेडेलनि मिर्जिथि लादोंमोन, नाथाय बिथाडा इन्ड्रेननि मारिया उल्लिटानि हेंथायै जेन्नांनयनि उनाव गुप स्टेजनिफ्राय जायखारनादों। नाथाय जेब्ला 21 बोसोरनि सिन्धुआ स्टार महरै अलिम्पिकआव ओंखारदोंमोन अब्ला गिबि मेचआव लारा सरसीखौ 21-8, 21-9 स्करआव फेजेन्नांनै थाबैनो आवगाथफिनो हार्दोमोन। बेनि उनाव लान्थियै देरहानानै फाइनालनि टिकेट दान्दोंमोन। बे समाव सिन्धुआव क्वार्टर

फाइनालआव चीना टइपनि टइ लु यिंखौ 21-13, 21-15 स्करआव फेजेन्नांनै सेमि फाइनालआव नजमि अकुहाराखौ 21-19, 21-10 स्करआव फेजेन्नांनै फाइनालआव सौहैयो। नाथाय फाइनालआव बिथाडा केरलना मारिनजों जेन्नांनै सिल्भार मेडलजोंनो गोजोन्नाडो। बेनि उनाव टकिय अलिम्पिकआव सिन्धुआ सेमि फाइनालआव जेन्नांनै ब्रन्ज मेडेलनि बादायनायाव चीननि हे बिं जियखौ 21-13, 21-15 स्करआव फेजेन्नांनै ब्रन्ज मेडल देरहायो। बेजोंनो बिथाडा अलिम्पिकनि जारिमिनाव गंनै मेडल देरहानाय गिबि भारतीय जानो हार्दोमोन।

गोदान दिल्ली, 16 जुलाई: पेरिस अलिम्पिक 2024 नि काउन्टडाउन जागायनायजों लोगोसे भारतनि हान्जायाबो बे इभेन्टनि थाखाय थियारि जाबाय। पेरिस गेम्सआ फेगौ 26 जुलाईनिफ्राय जागायनाय 11 आगस्टआव थुंगेहोगोन। बे खेबाव भारतनिफ्राय सा 111 गेलेगिरिफोरनि हान्जाया दुर्नामेन्टआव बाहागो जाहैगोन। बेबायदि थासायियाव अन्साइगिरिफोरा भारत आरो पाकिस्ताननि गेजेराव अलिम्पिकआ सेलेन्सखौ नायनो लुबैगोन। नाथाय अलिम्पिकआव पाकिस्ताननि हान्जाया जेब्लायबो भारतनि उनाव जायगा मोनबोदों। भारतआ गिबि खेब अलिम्पिकआव 1900 माइथायाव बाहागो लादोंमोन, जेराव नर्मन प्रिसार्डआ 200 मिटर स्प्रिन्ट आरो 200 मिटर हाईल रेसआव सिल्भार मेडल देरहादोंमोन। अलिम्पिकआव भारतआ दासिमाव गं 35 मेडल देरहाबाय, जायनि फारियाव गं 10 सना, गं 9 सिल्भार आरो



गं 16 ब्रन्ज मेडल देरहानाया दड। बे मेडेलनि गेजेराव बयनिखुइ बांसिन गं 8 सनाखौ भारतनि हक हान्जाया देरहादों। मख'नो गोनांदि, भारतआ दासिमाव खेब 25 अलिम्पिक गेम्सआव बाहागो लाबाय,

जायनि गेजेराव खेब 9 अलिम्पिकआवभो भारतआ मेडल देरहादों। नाथाय 1920, 1924, 1976, 1984, 1988 आरो 1992 नि अलिम्पिकआव गंसेबो मेडल देरहानो हायाखेमोन। थानाय 2020 नि


टकिय अलिम्पिकआव भारतनि गेलेगिरिफोरा जारिमिनारि महर बांसिनै गं 7 मेडल देरहादोंमोन। बेनि सिगां लन्डनआव गं 6 मेडल देरहानाया भारतनि साबसिनै दिन्थिफुनायमोन। बे खेबावबो भारतआ थानाय

टकिय अलिम्पिकनि दिन्थिफुनायनिफ्राय साबसिनै दिन्थिफुनो नाजागोन आरो मोनै अनजिमानि मेडल देरहानाय थिसनो नाजागोन। गुबुन फारसे, पाकिस्ताननि बाशा बुडोब्ला 1948 निफ्राय अलिम्पिकआव बाहागो जादोंब्लाबो गिबियै 1956 आवसो मेडल देरहादोंमोन। बे समनिफ्राय पाकिस्तानआ दासिमाव गं 10 मेडल देरहादों, जायनि फारियाव 3-3 सना-सिल्भार आरो गं 4 ब्रन्ज मेडल देरहानाया दड। नाथाय बेफोरनि गेजेराव पाकिस्ताननि हक हान्जाया साबसिनै गं 8 मेडल देरहादों। नाथाय मख'नो गोनां बाशादि पाकिस्तानआ जोबथा खेब 29 बोसोरनि सिगां 1992 आवसो अलिम्पिक मेडल देरहादोंमोन।

## भारतनि स्टार बेडमिन्टन जरा 'या गोरलै गुपआव जायगा मोन्दों

गोदान दिल्ली, 16 जुलाई: पेरिस अलिम्पिकआ फेगौ 26 जुलाईनिफ्राय फ्रान्सनि राजथावनि पेरिसआव खुंजागोन। बे दुर्नामेन्टआव भारतनि बेडमिन्टन गेलेगिरिफोरा बाहागो लानो थियारि जाबाय आरो अन्साइगिरिफोराबो बेडमिन्टननि फोथाराव मेडेलनि मिर्जिथि लादों। बे खेबाव डाबल्स इभेन्टआव भारतनि अन्सायगिरिफोरा गेलेगिरिफोरनि मिर्जिथि लादों। भारतनिफ्राय स्टार शटलर सात्विकसाइराज रेन्करेडु आरो चिराग शेट्टिनि जराया डाबल्स इभेन्टआव बाहागो लागोन। बिसोर सानैनि जराया अलिम्पिकनि थाखाय मोनसे बेलेन्स गुपआव लाखि जादों।

थानाय माखासे साननि सिगांसो 23 बोसोरनि सात्विक आरो 27 बोसोरनि चिरागआ मोजाडे दिन्थिफुनायजों 3 थि रेंकिं मोनो हादों। मुलुगनां रेंकिंआव नम्बर 1 जाखानाय बिसोर सानैनि जरायिफ्राय अन्सायगिरिफोरा मेडेलनि मिर्जिथि लादों। बिसोर सानैआ अलिम्पिकआव गुप सिआव लाखिजादों, जेराव बिथांमोनहा बे गुपआव इन्ड्रेसियानि फाजर आल्पियान आरो महम्मद रियाननि जराजों सेलेन्जआव ओंखारगोन। बिसोर सानैनि जराया सोलिफु समाव मुलुगनां रेंकिंआव 6 थि मासियाव दड। जाउनाव भारतनि गेलेगिरिफोरा गोबाव गोखों सेलेन्ज मोनगोन। बे



मोनै हान्जानि अनगायै बे गुपआव मुलुगनि 31 नम्बरनि जामाननि जरा मार्क लेम्सफास आरो माबिन चेडेलेजों बादायनांगोन। लोगोसे मुलुगनि 43 नम्बरनि लुकास कर्बि आरो फ्रान्सनि रन लाबारजों सेलेन्ज मोनगोन। भारतनि जराया बे इभेन्टनि थाखाय टप-4 रेंकिं मोनाय जरायि

गेजेराव मोनसे, जेराव गासैबो टप-4 रेंकिं मोनाय जराखौ गुबुन गुबुन गुपआव लाखिनाय जादों। भारतनि बिसोर सानैनि जराया टकिय अलिम्पिकआव गुप स्टेजआव खेबथामनि गेजेराव खेबनै देरहादोंब्लाबो नकआउट स्टेजसिम सौहैनायाव फेलें जादों।

## इउर' काप जोबनायजों लोगोसेनो सानै स्टार गेलेगिरिफोरा आजिरा लाबाय

बार्लिन, 16 जुलाई: बावैसो सान सिगां जोबलानाय इउर' कापनि बिमुंखौ स्पेननि हान्जाया रेकर्ड महरै देरहानो हादों। फाइनालनि मेचआव स्पेनआ इलेन्डनि हान्जाखौ 2-1 गलआव फेजेन्नांनै इउर' कापआव बयनिखुइ बांसिन रेकर्ड खेबने बिमुं देरहाबाय। नाथाय बे दुर्नामेन्टआव जोबनायजोंनो सानै स्टार गेलेगिरिआ सानसेनि गेजेरावो आजिरा फोसावदों। नाथाय बिसोर सानै गेलेगिरिफोरा मोनै फाइनालिस्ट हान्जाफोरनि जानै गेलेग्रा नड। सुइजारलेन्डनि स्टार फरवार्ड शाकिरी आरो जामाननि आइकन थमास मुलारआ हारिमायारि फुटबलनिफ्राय आजिरा फोसावबाय। बिसोर सानैआ इउर' काप जोबनायजों उनावनो गावसोरनि आजिराखौ फोसावदों। सुइजालेन्डनि थाखाय खेब 125 मेच गेलेनायनि उनाव शाकिरीआ गावनि आजिराखौ फोसावदों,



जेराव मुलारआ हान्जानि जाना खेब 131 मेचआव बाहागो जादोंमोन। 32 बोसोरनि फाइनाल मेच गेलेनायनि 9 सान उनाव फेदों, जेराव सुइजारलेन्डआ पेनालि्ट शूट आउटआव जेन्नादों। जामाननि मुलारआबो 34 आवनो गावनि आजिराखौ फोसावबाय। 14 बोसोर माहारियारि हान्जाजों

सुइजालेन्डनि जाना इउर' कापनि जोबथा मेचआव इलेन्डनि हेंथायै क्वार्टर फाइनाल मेच गेलेनायनि 9 सान उनाव फेदों, जेराव सुइजारलेन्डआ पेनालि्ट शूट आउटआव जेन्नादों। जामाननि मुलारआबो 34 आवनो गावनि आजिराखौ फोसावबाय। 14 बोसोर माहारियारि हान्जाजों

गेलेनाय मुलारआ हादतनि जाना गावनि गेलेनायखौ जराखा मोन्दाथिनायखौ फोरमायो। लोगोसे गावनि हान्थिनाय केरियारआव अन्सायगिरिफोरा, जामाननि मोजां हास्थायगिरिफोरि आरो मदत गिरिफोरनि सिम साबायखर हरदों। लोगोसे सोलिफु बोसोराव जालानाय इउर' कापनि बादायनायखौ जराखा मोन्दाथिनाय लाबोदों होना फोरमायो। मख'नो गोनांदि, मुलारआ लटर मेथस आरो मिरस्लाभ क्लजनि उनाव 3 थि बांसिन मेच गेलेनाय जामाननि गेलेगिरि जाना फेदों। बिथाडा जामाननि थाखाय वर्ल्ड गासै खेब 19 मेचआव 10 गल सोनायनि अनगायै गलथामआव मदतबो होनो हादों।

## हार्दिक पन्डेयानि थाखाय मोनसे गोदान खौराड सोराडव फेदों

गोदान दिल्ली, 16 जुलाई: जिम्बाबवेनि उनाव भारतनि क्रिकेट हान्जाया बे खेबाव श्रीलंकासिम दावबायदों। भारत आरो श्रीलंकानि गेजेराव खेबथाम टी-20 मेच बादायनाय उनाव खेबथाम वान्डे मेच गेलेगोन। जायनि समफारियाबो सोराडव फेबाय। भारतआ बेनि थाखाय थाबैनो हान्जानि फारिलाइखौ फोसाववो हागौ। बेबायदि थासायियावनो हार्दिकजों सोमोन्दो थानाय मोनसे खौराड सोराडव फेदों। थामहिनबा हार्दिकनि बे सिरिजआव बाहागो जागोना सन्देहआव दड। मोनै हान्जानि गेजेराव खेबथाम टी-20 मेच सिरिजआ फेगौ 27 जुलाईनिफ्राय जागायगोन। बेनि उनाव आगस्टआव खेबथाम मेचनि वान्डे सिरिज जागोन। बेनि थाखाय बिसिसिआइआ सान्जानि फारिलाइखौ थाबैनो फोसावगोन। मिर्जिथि लानाय

देरहानाय समाव पेलेनि बैसोआ 17 बोसोर 249 सानमोन। पेलेनि बे रेकर्डआ गोलाव समनि उनाव बायना फे बाय। यामालआ इउर' कापआव गेलेनाय लाइमोनसिन गेलेगिरि महरै क एसियायनि हेंथायै गिबि मेचआव फोथाराव आगान होजेन्दोंमोन। बेनि अनगायैबो बिथाडा बे दुर्नामेन्टनि खेबसे सिजनआव क्वार्टर फाइनाल, सेमि फाइनाल आरो फाइनालआव गल सोनायनि अनगायै गुबुन गेलेगिरिनि गलआव मदत होदों। बिथाडा बे दुर्नामेन्टनि फहनालआव इन्ड्रेन हेंथायै हान्जानि 2-1 गलआव देहानायव मदत होनो हादोंमोन। बे समाव बिथाडा बक्सनि बायजोनिफ्राय निक' उइलियास्सो पस बल हरदोंमोन।



बादब्ला, रहित शर्मानि टी-20 हारिमायारि मेचनिफ्राय आजिरा लानायनि उनाव हार्दिकखौ भारतीय हान्जानि केप्टेन सायख'नो हागौ। नाथाय माखासे जाहोननि थाखाय हार्दिकआ बे सिरिजनिफ्राय जिरायनो बिसिसिआइनिसिम सम बिदों। बेनि सिगां हार्दिक आरो केएल राहुलनि गेजेराव सासेआ वान्डे सिरिजनि थाखाय केप्टेन सायख'जागोना रोखामोन। हार्दिकनि सिगां वान्डे सिरिजआव रहितजों लोगोसे

भिरत कहलि आरो जसप्रित बुमराहयाबो गावसोरनि मुंखौ बोखाना लाफिन्दों। थामहिनबा बिसोर साखेखौ वान्डे सिरिजआव गेलेनाय नुनो मोनाय नड। श्रीलंकानि हेंथायै वान्डे सिरिजनि जोबथा मेचआव 7 आगस्ट जाहैगो। बेनि उनाव आगस्ट दानाव भारतनि हान्जाया फोथाराव ओंखारनाय नड। सेप्टेम्बर दानाव बालादेशनि हान्जाया भारतसिम दावबायफेगोन बे समाव भारतनि स्टार गेलेगिरिफोरा हान्जायाव बाहागो जाफिनो हागौ।

## लामिने यामालआ पेलेनि मोनसे रेकर्डखौ सिमफायनो हाबाय

बार्लिन, 16 जुलाई: इउर' काप 2024 आ जामानिआव जाना थांबाय। बे चेम्पियनसिपनि फाइनालआ इलेन्ड आरो स्पेननि गेजेराव जाना थाडो, जेराव स्पेनआ 2-1 गलआव देरहानानै रेकर्ड ब्रैथि खेब इउर' कापनि बिमुं देरहायो। बे हान्जानि सिगां मुलुगनि मोनबो हान्जायानो इउर' कापनि बिमुंखौ खेबने देरहानो हायाखै। नाथाय बे समाव स्पेननि लाइमोन गेलेगिरि लामिने यामालआ मोनसे रेकर्ड थिसन्दों। बिथाडा बावैसो थुंगेनाय बे चेम्पियनसिपआव पेलेनि थिसन्नाय मोनसे गिदिर रेकर्डखौ सिमफायदों। बार्लिनआव इलेन्डनि हेंथायै



फाइनालनि सिगां गावनि 17 थि जोनोम सान फालिनाय यामालआ हारिमायारि फुटबलआव बिमुं देरहानाय



बयनिखुइबो लाइमोनसिन गेलेगिरि जानो हाबाय। बिथाडा 17 बोसोर 1 सानआव मुंदाखा इउर' कापनि बिमुं देरहादों आरो

पेलेनि रेकर्डखौ सिमफायदों। बार्सिलनानि गेलेगिरि यामालनि सिगां 1958 आव फिफा वर्ल्ड कापनि बिमुं

## मेडल देरहानो भारतनि रेसलारफोरा थांनाय जाथाइफोरखौ बावगारनानै गेलेनायाव नांथाबनांगोन



गोदान दिल्ली, 16 जुलाई: पेरिस अलिम्पिकआव बाहागो लानो गोनां भारतीय रेसलारफोरनि थियारिआ जोबथा बिन्दोआव सौफेबाय। रेसलिंआ अलिम्पिकआव जायगा मोनाय गेलेमु महरै भारतजों मोजां सोमोन्दो दड। 1920 नि


अलिम्पिकआव भारतआ रेसलिंनि हान्जा दैथाइहरदोंमोन। भारतीय रेसलिं फेडारेसननि बार' आफादगिरि बृजभुषण शरन सिनि हेंथायाव जालानाय जेनाफोरखौ बावगारनानै भारतनि रेसलारफोरा गावसोरनि थियारिखौ गोखोंसिन

खालामदों। भारतआ अलिम्पिकआव रेसलिंनि फोथाराव थांनाय खेबने अलिम्पिकनिफ्रायनो मेडल देरहाबोगासिनो दड। फेगौ 26 जुलाईनिफ्राय जानो गोनां अलिम्पिकआवबो भारतनि रेसलारफोरा गावसोरनि खाबुखौ लानो नाजागोन। थांनाय खेबआव रबि दहिया आरो बजरं पुनियाआ फारियै सिल्भार आरो ब्रन्ज मेडल देरहादोंमोन। नाथाय बे खेबाव बिसोर सानैआ अलिम्पिकनि थाखाय क्वालिफाइ जायाखै। नाथाय बे खेबाव अन्सायगिरिफोरनि नोजो आइजो गेलेगिरिफोर फारियै भिनेस फगाट, अन्टिम फंघाल, अन्सु

मालिक, निशा दहिया आरो रिटिका हुड्डनि सायाव गोलेदों। रेसलिंआव भारतआ अलिम्पिकआव हकनि उनाव नैथि जाफुसारनाय मोनानै दड। 2008 नि बेइजिं अलिम्पिकनिफ्राय भारतनि रेसलारफोरा लान्थियै अलिम्पिकआव मेडल देरहाबोदों। जेराव टकिय अलिम्पिकआवबो भारतआ मेडल देरहादोंमोन। फेडारेसनआव जेनाजों मोगा-मोगि जानायनि उनाव भारतनि रेसलारफोरा थियारियाव हेंथा मोन्दोंमोनब्लाबो अलिम्पिकनि खाबुखौ लानो गोबाबै नाजादों।

## रेपिड एन्ड ब्लिटस टुर्नामेन्टआव भारतनि गेलेगिरिफोरा लुबैनाय बादि दिन्थिफुदों

गोदान दिल्ली, 16 जुलाई: भारतीय ग्रेन्ड मास्टर डि गुकेशआ रेपिड एन्ड ब्लिटस सेच टुर्नामेन्टआव मिर्जिथि बायदि दिन्थिफुनो हायाखै। जाउनाव टप रेंकिंनि फेबियात कारुआनाआ मोजाडे दिन्थिफुनानै देरहानो हायो। गुकेशआ बे टुर्नामेन्टआव गासै 14 पइन्ट आरजिनानै 7 थि मासियाव थानो हादों। गुकेशनि अनगायै इभेन्टआव बाहागो लानाय भिदित गुजरातीआव 11 पइन्टजों 9 थि मासियाव जायगा



मोन्दों। रासियायि इयान नेपमनियाचीआ 18.5 पइन्टजों

5 थि आरो आमेरिकानि लेबन एरनियनआ 17 पइन्टजों 6 थि

मासियाव जायगा मोनो। बिथानि उनाव भारतनि आनीश गिरिआ 13.5 पइन्टजों 8 थि मासियाव जायगा मोन्दों। क्रयेसियायि इभान सारिकआ 10 पइन्टजों जोबथा 10 थि मासियाव जायगा मोनो। कारुवानाआ सुपर वेट क्लासिकआव देरहानानै बिमुं देरहादों। बिथाडा 27 पइन्ट आरजिनानै नर्वेनि नम्बर 1 गेलेगिरि मेगनास कार्लसननि समान रेकर्डआव सौहैदों।